




彭城集卷二十一



宋劉攽撰

制誥三

御史中丞孫覺可龍圖閣直學士提舉醴泉觀  
依舊兼侍讀制

勅吾以風憲齊邦法而用經藝求多聞儒臣之任是者  
異事而同功此皆有益於朝者也具官某資性樸茂學  
問該達有子政之博識兼叔向之遺直近者擢真中司  
以徒民望未得聞生之奇論乃固以疾而求解知其不  
欺在所從欲擢龍馬之峻秩仍虎門之詔微兼總殊庭



之事增重講闡之罷祇服休命毋怠初心可

中散大夫天章閣待制知鄧州陳安石可龍圖閣直學士差遣如故制

勅朝廷嚴侍從之朕待通博之士惟其器足以大受知可以重任望所歸者而後畀之延閣相望左職維序眷茲遼東義靡虛受具官某材寔周用名允副實迨迫耆齒克成壯猷內忝藻鑑之司外總藩宣之寄率有可紀不替崇譽宜示甄擢以疇善最惟河圖之所藏居石渠之右地學士之選儒者為榮寵數亟加懋恩思報勉力無怠對揚休命可

故鎮江軍節度使檢校太尉守司空開府儀同

三司致仕康國公韓絳可特贈太傅餘如故制

勅收眩之臣社稷是衛生則體貌盡禮以示老成之貴沒則哀榮稱情以著云亡之歎非其盛德曷膺異數具官某大器有容直道自任舉厝見乎事業忠厚發於性情再登上宰稱為賢相周公師保萬民惠澤浸廣仰伯彌四世嘉績維多告老里居乃心王室風猷所置毗益仍遠天不慙遺奄至淪喪朕用傷悼莫可追贖宜加愍策進崇贈典躋帝傳之罷名賁哀章之祕服泥書密印以光泉壤靈其有知膺是休命可



皇城使昭州刺史郭忠紹可差知岷州制

勅具官某先帝在廣邊圍控制西戎惟三軍之師與連城之守訓兵治民文武並用非有兼智曷嘗輕付以爾效力洮隴克有善譽屬他部引嫌以汝易地勉勤職業用副光寵可

朝請大夫新差知邠州蹇周輔可差知廬州朝

散大夫知廬州史宗範可差知邠州制

勅具官某等朝廷建官分職無有遠邇皆務以利民者也度材而任之以示大公至于從人之欲小濟其私是以天道無害於治以周輔者艾久吏使蒞疆土而以情

自上求所使安惟宗範合肥之政課最可稱命總邊瑣益用觀能易地而處俱謂宜允思所報效毋孤任遇可

知滑州劉瑄可知湖州知唐州王得臣可知邠

州制

勅具官某等壤地不齊南北殊俗吏治何先法令惟一智者足以興事故者莫不有功顧惟大邦每擇良守以某悉為久吏亟更符守吳興南方之都會新平西道之要衝分以付之思所報效可

朝請郎試大理卿杜紘可直秘閣知齊州制

勅具官某漢制列郡郡守通為二千石其在朝會中都

悉為久吏



則見惟月之重矣夫其屏翰千里乃知連城之寵內  
外之別大矣足云以某器術通博法律精明執事輦  
轂歲月逾久致位廷尉任遇亦重而勤勩已劬龜勉  
弗任思從息肩願得補外朝廷俯從人欲付之郡章  
昔人以卿秩出守用為寵榮今汝貼職中秘臨治稷  
下思所報效可

寶文閣直學士正議大夫謝景溫可知鄆州制  
勅機衡之任內則八座為重方嶽之寄外則十連稱貴  
慎選攸屬周材是膺將明所資出處奚異具官某立  
性挺特遭事開敏白黑明辨予奪時當擢領秋官之

長寔處文昌之要朕惟鄒魯舊壤皞灑與區賦政之  
優變道惟允輟聽履之妙送付連城之重寄敬服崇  
寵益其善最可

朝散郎孫賁可知鄆州制

敕具官某湖湘之南蠻獠雜居乃或不度邊圉肆為侵  
暴夫豈足勞吾翦薙也莫若擇良守就而撫之震讐  
其姦猶存育其柔服斯無事矣以某健於為吏幹譽頗  
著付之連城其思遠略不孤寵命可

新知河中府葉康直可知秦州制

敕具官某先帝攘却胡狄斥大邊圉秦亭之地僅若內



郡然其襟帶隴阨門戶蜀巴小戎車甲之盛夷漢走  
集之要方之前世固自若也擇帥之重尤所慎焉以  
某前奉使指臨安陝服智之所及事乃無曠至其攝  
蒞漢陽頗歷時序士服熟其訓練民便安其簡易審  
羌虜之情偽解山川之要害因而任之成效直速俾易  
蒲中之寄以究隴上之治貼職龍馬寵命在先勉服  
恩榮益思盡瘁可

侍御史杜純可知相州制

勅具官某向繇鄉寺擢二臺憲以其讞獄先帝常有確  
論乃茲登用寔冀毗益而議者言其處事堅完持心近

薄又臺中故事非繇科第不登是選重為不宜解白筆  
之重權付赤帷之優寄三臺舊壤千騎殊寵公朝未嘗  
材能吏思所報國可

西京作坊使知寄嵐軍王景仁知原州制

敕具官某西方諸郡與羌戎接者皆謂要衝五原其一  
也為其守者爰養士卒宜得其死力遠置斥侯使前知  
虜情將略之最莫先於此以某久習邊瑣因付重寄益  
自勵力不孤恩寵可

溫州刺史提舉萬壽觀公事向宗回可知蔡州制

敕具官某吾求循良之吏以付郡州之治才無所遺則



不限文武之異功有所勸亦初無戚賢之別以爾謹身  
奉法強力從事其以為政宜無曠職汝南大郡生齒繁  
夥聽訟察獄慎而勿怠服我休寵毋致民謗可

龍圖閣待制知河中府王震可知鄭州制

敕介二都之浩穰承千里之風化陪京之重是惟鄭邦  
擇守之慎非材莫處具官某寬裕容物豈弟信已治民  
之道所至見稱付東里之與區按緇衣之舊俗勝崇民  
譽以稱上恩可

中散大夫燕介可知棣州制

敕具官某齊之北境是日無棣魚鹽之饒俗以富庶其

於為治易使安輯以其更練民事通達人情付之專城  
益觀成效可

知宿州呂溫卿可知湖州承議郎王肇可權知

宿州制

敕具官某等有地千里而長百吏發政施令良民足以  
訓養猶民足使畏服有志之士知其可以有為莫不願  
之矣以某等通敏用務付之專城之寄符離吳興又東  
南之奧壤也思所建置以副休命可

知汝州邢恕可知襄州制

敕具官某江漢之邑襄陽為大鳳林以為阻鹿門以為



望品竊之吐獄訟亦暮然堤防非固則有昏墊之憂竹  
屋相比或致延燒之患往之良材以茲為先爾以敏材  
慎慮試於為郡既歷一邦頗有能效付漢陽之奧壤增  
符竹之寵榮祇服茂恩益期善政可

西上關門使重神古可知鄜州制

教具官某治民訓兵文武異道惟其兼才乃能適用西  
方諸郡疆圉羌狄鄰為次邊寔當走集軍旅士馬之訓  
金穀獄訟之剗為守為將是亦重矣以某久更吏職益  
關戎畧付之左符屏茲要郡竭力盡慮副吾選擢可

朝議大夫馬淵可知沂州制

教具官某束髮從仕至于耆老近臣之稱薦者章教十  
上是其有以遇人者海沂大邦民物繁富庸付章教以  
期善最夫治人之術譬猶養身毋暴其氣正心以存之  
則有康寧之報汝慎之哉可

朝奉郎守鴻臚少卿黃隱可權知泗州朝奉

大夫宋彭年可權知邢州制

教具官某等九寺之二是為要官前以鴻臚大農用  
隱彭年而議者謂其處非其位不可虛授朝廷重  
於失士乃復試之民政右河左淮二郡為大邢兼趙  
衛之俗泗當舟楫之會有所施為易致功譽益務勤



延學律字化戶改弗

恪以稱付委可

韓

朝請大夫韓晉卿可光祿少卿朝奉郎知相州

杜純可知徐州

敕具官某等卿寺總集邦事州郡布宣王化二者之重非有左右豈其以內外而謂輕重乎以晉卿純敏識強力通習律令試郡未幾民譽有在擢貳光祿從治西楚度材而處來效是期勉力慎修毋敢豫怠可

知潤州朱服可知福州制

敕具官某閩嶺以南長樂為大生茲繁夥其養不足則獄訟易興風俗利弊其教不篤則禮義罕聞為之治者

抑亦難矣以其既更吏事因付邦寄思所以裕民生敦禮與義庶無負委任矣其勉之哉可

朝奉郎邢平可知衡州制

敕具官某郡縣之遠於京師者其能使上恩宣布賦役均平民無愁歎之音惟守長之材爾衡山之陽湘水之左厥民皆窳為生甚薄生茲繁夥占數至廣命汝蒞而撫之勉力思效上謹詔條下盡民情夙夜匪懈斯得之矣可

右驎驥副使王良可權知黔州制

敕具官某西南諸蠻馴服聲教而黔中之地當其衝要內則嚴徵塞之走集外則總羈縻之琛賫郡守之寄朝



選為重以其知慮有取武略已效宜試連城剖符之任以觀治戎訓民之術可

皇城副使王鑒知莫州制

敕具官某邊郡鎮守悉有民事以威武震懾戎落以律令聽察獄訟其亦難矣可無選者以其累更任使常著能效帥臣稱其材斂薦之於朝因而用之吾無推擇之煩其勉勵幹力勿負恩渥可

中散大夫裴士林可知同州制

敕具官某法令所以平民也得其情則文無害賦役所以用衆也處其中則下無怨是二者州郡之先務非良

吏不能及之以其智慮詳敏達於從政荐歷繁劇常有稱述惟左馮之與區自二漢而稱重付茲連城之寄下車之效平民用衆汝宜慎之可

權發遣廣德軍郃才可權知滁州制

敕具官某凡工人之事習慣則其巧倍初學為政者亦若是矣爾前守軍壘卒戍無曠今復用汝為郡屬城生茲其教愈廣汝以習慣蒞之事將無難勉之慎之以集民譽可

朝散郎熊臯可知泰州制

敕具官某海陵故江都之屬邑也地居江海之會民占



魚稻之饒雖曰小邦寔為沃壤以其前守辰陽克有善  
譽茲故付以虎符之重粵當麋疇之墟察訟督賦期以  
裕民無怠爾心以集來效可

朝奉郎賈種民可知濮州制

敕具官某冉未政事之材也而曰如五六十求也為之  
此邑宰之任也賢者之於民事豈易之哉今州郡之寄  
總列城之富長郡吏之治利澤足以及物雖曰小邦為  
榮遇矣濮寔古郡適於王畿汝自請而得其有以幹國  
稱職乎可

供備庫使侍其瓊可知祁州制

敕具官某邊徼之郡戎馬所集將守之任文武兼用內  
輯民務外察虜情求其宜稱其亦難矣以某屢更繁使  
頗著能名付虎符之權當鳶鞞之境益勤遠略以就來  
效可

朝奉郎張徹可知沂州制

敕具官某山東諸郡臨沂為大其民襟有桑麻之業其  
田兼備魚稻之饒為守之貴仕宦之美推擇付汝寵光  
斯在聽獄察訟勤民急吏毋有怠惰以就功緒可

殿中侍御史孫升可權知濟州制

敕具官某為耳目之官當風憲之任惟其直亮乃所稱



職曾不是思輒敢誣上置廷臣鄙倍之愆既莫絕正肆已志朋比之素仍事詆欺義所弗容法其安舍宜奪蘭臺之職俾分竹使之符尚體寬恩無重前悔可

如京帥張佑可知隴州制

敕具官某隴阪之西為國門戶羗戎向化而服內漢兵屯戍而禦侮直得良材任為守帥以某練集軍事懷韞智畧俾付左府之寄以總連城之固其克勤蓋用副推擇可

皇城使郭祥可知龍州制

敕具官某邊徼之地夷漢雜處訓兵以律治民以政文

江油縣名屬龍州

武兼備乃為宜稱朝所慎選異於內郡今江油關守推澤用爾勉務勤恪以就功緒可

司農少卿韓正彥可知滄州制

敕具官某鄉秩出而為郡古之寵教也矧南皮與壤擴海巨鎮魚鹽之饒則知編戶之富邊圉所寄復見專城之重惟爾久從吏職嘗宣使指悉著能績近無官諂是用付之左符虎竹之榮當此一道兵民之務寔因往效以蒙新寵勉思職業用永休譽可

知濟州王廷禧可知登州制

敕具官某負海之邦文登為大肅慎是鄰遼碣在望烽



火之警太平弗忘擇守之難其亦奚易以爾名臣之裔  
素風自脩比守列邦皆有善最付爾之眾之城恪守竭  
夫之與勉循詔條以致民譽可

商州盧某知台州制

敕具官某有地千里列列三四社稷人民之奉仕宦之  
達者也商於天台皆古名郡易地迭處汝榮多矣布宣  
上澤勤卹隱民毋違詔條毋爽風譽汝其甚哉可

朝散大夫天章閣待制楊繪可知杭州制

敕訓農養民之務聽訟察獄之要在於得情而居厚不  
可便文而趣辨茲所以儒生貴於俗吏法律輔以詩書

我擇良守以是為準具官某心慮端直學術純固接物  
而為簡易從政而號豈勇前守南邦亟聞治最輕揚善  
闢之民機巧趨利之俗懷惠不舍去思迄今是宜復  
假左符以當一道其亦力崇來效嗣續前美夫飾厨傳  
以稱使客志逍遙而忘政治前史以為譏詩風以示刺  
汝慎之哉無寵命可

供備庫副使魏公但可知嵐州制

敕具官某棲煩要地戎馬走集震愴胡虜宣明漢德  
守將之任其亦重矣爾以武人之俊久經驅策付之連  
實固吾國思盡權畧以酬恩以酬恩遇可



新差知單州鄭侑可知懷州朝散郎安宗真可知

單州制

敕具官某等昔子賤巫馬之為單父勞逸不同而皆稱治能者之於民事固常有為而非一道也然此衰周列侯之國小邑寡民之政何足為盛世言乎今列郡田閭富庶法令完備太守官儀之寵巍然千騎之長於以施教布政則加易而不難矣河內漢為大邦單武今則名郡以付爾等其亦有子賤巫馬之志副吾委寄乎勉之慎之勞逸無怠可

權兩浙轉運副使韓晉卿可知徐州制

敕具官某漢制史居部九歲乃為守相夫惟專城之重豈減傳車之寵爾奉使二浙既更歲月爰付左符俾臨西楚豈弟以裕民俗精察以平獄訟農畝無擾盜賊知畏勉而行之勿孤寵命可

通判滄州趙澤可權知商州制

敕具官某昔虞詡之治朝歌方其盜賊之盛以盤根錯節為諭已為利刃者也後卒成功如其志焉有為者常若是矣今吾以高於大邦寇攘充斥思其弭安在於能吏汝以幹畧素譽可當推擇拔於郡貳付之專虎憑熊其寵多矣宜有顯效以堅補報可



朝一 朝散郎李機可知華州制

敕具官某閩西之郡華陰為大居二周之衝道兼三輔之浩穰風俗豪盛獄訟繁多擇人付之乃得稱治以爾幹力可述付茲重委勉自效用荅休命可

新差知越州熊本可知杭州制

敕良二千石朝所甚貴也夫其總千里之寄當一道之重平賦察訟行善脩政使下不畏吏閭里無愁勸之聲可以言股肱之美宣力四方者矣具官某早以儻材躋於法從愷悌而濟之屢斷悃悞而至於無華荐假左符率致善譽今賦稅出於東南二浙為盛舟車之所走

集餘杭居要惟擇付汝往哉惟諧夫事無劇易之辨民靡南北之異惟既乃心斯有成勩夙夜恪居以副休寵可

新除吏部郎中章咨本可知越州制

敕具官某出宣使指入居郎臺朝廷之選二者借重而東南之邦會稽為大督輸財賦平治獄訟使閭里無歎聲農桑得其職長民之所寄又宜擇焉吾不以重外為媿而忽共治之意以是命汝往惟欽哉可

知亳州李闕可知明州中散大夫呂希道可知

亳州制



敕具官某等朝廷治民之具備於法令守師以情視民而用法令輔之則獄訟可使無撓賦稅可使樂輸不然徒文具無惻隱之寔無益也惟毫暨明皆為重鎮所置守臣未嘗輕授以某與某悉更久吏咸有能稱是用付茲二郡以期善效勉力就緒無忝成命可

朝奉大夫曹振可權知恩州制

勅具官某世稱龔遂之良吏以其秉饑饉之餘安輯齊地也今夫河決水溢汎濫滔陸瀕河之人蕩析離居其丘為當其衝擇守付治汝丁是選其亦以古人為法帥而行之冀佇成效可

朝奉郎李察可知濟州制

敕具官某朝廷之用材未嘗有遺收其未效不追既往期於便安元元崇茂風化而已以某向承使指兼預戎事雖成勳無聞而宣力為劇既畢親勩摩還籍版是用付委連城之寄亟居千騎之長東州列壤濟陽為富禹貢鉅野之名浸漢志昌邑之建國勉崇政術用副寵任可

觀文殿學士知河南府孫固知鄭州制

敕老成之臣體貌所重殿邦作屏維日共治優賢尚德抑維乃眷具官孫某器度深博謀謨醇厚事上以道正



心不回治民以信善化維敏自均逸於宥密臣報政於  
蕃宣惟東里之舊邦寔名都之比壤輟司官籥更付  
郡符間于二京相望千里河潤之喻冀皆蒙福矣可

光祿少卿杜常可集賢校理知梓州制

敕具官某朝廷之化所以周浹里閭而民情不隔者惟  
郡將之材良詔令之宣布也而遐陬之地遠於京師雜  
有夷貉其任尤重矧巴蜀之左梓潼為大擇守付委何  
宜弗慎以常罷局夷曠材術寬裕於以靖安遠俗鎮服  
荒人其不為難處之宜矣既更郎曹之峻屬貳鄉寺之  
聯疇其以次貼以要職履正之選儒者所榮勉思自效

用副精選可

皇城使孫昭諫可差知隴州制

敕具官某總金革之事專民社之寄非有勳材不可兩任  
以其武足以守固疆禦文可以聽察獄訟是用付之郡符  
西當隴阪專城之寵寔為美遷思勤績效以稱推擇可

龍圖閣直學士王克臣可知鄭州制

敕二都相望千里而近介茲舊鄭寔曰大邦馮翊王畿  
屏翰旬服宜得良守用壯右輔具官某俊德耆明通材  
強濟歷試文昌之重雍容龍馬之嚴咨其老成足宣風  
化爰付左符之寄俾當東里之奧惟汲黯之即治洎方



叔之壯猷思與厥齊勉從休譽可

朝奉郎韓宗古可知曹州制

敕具官某入為臺郎出分郡寄受朝廷之精選為儒者之榮遇爾歷職華省久次自言眷為藩曹寔左輔分以符竹試其治民蓋二漢之制丞郎滿秩自占大縣以示優異今爾為二千石其寵多矣勉其民務求稱詔息可

秦寧軍節度使觀察留後李珣可知相州制

敕朝廷愛民未治之意付之牧守高爵重祿國所尊禮委之為政上之可以專達下之可以有為於以崇豈弟

之美乃無難矣具官某敏智通徹強力幹濟踐歷周行率致民譽惟鄴城之故壤當朔塞之要衝民務兵權且將且守選撰而用元寵貴隆思所副稱以報恩遇可

左藏庫副使紀昱可權知廉州制

此篇見字集

敕具官某合浦之地古為珠官琦珍所聚掌握致富宜得廉吏為之守長且蠻蠻荒遠難馴易擾非夫武壯知畧不能鎮服以是教者推擇用汝祗蒞思寵益思善效可

提舉西京嵩山崇福官范子奇可知晉州知要



州王彭可知濟州制

敕具官某等昔賢守之為郡或以卧治報政者為其清  
淨為理責大指於丞史是以事無不辦此其為奇察  
繳統厯身苦志僅能自既者相千萬矣子奇嚮者屢  
宣使指陳力甚久疾病言上求得自便既已數月惜其  
退處今以卧治之事付爾大邦晉陽會繁思所報稱惟  
彭臨蒞婺女民務自如稍令内徙寔為寵命可

知晉州郭茂恂可知密州制

敕具官某長民之官不宜驟易送故迎新之勞簿書交  
易之故前世良吏固嘗記之矣茂恂治晉終數月爾常

使之久任遂其成績者也會商利者言高密海陬宜置  
市舶以來賈人收其贏餘惟茂恂精力勤恪可應罷使  
是用易地付之以觀智略勉崇善術副吾推擇可

朝奉大夫通判定州胡及可權知吉州制

敕具官某南州之民穎慧一作輕急習於文墨易

於輿訟為之長者明以周知其情重以鎮抑其浮如  
是則豈弟之政無愧於古矣某智慮詳敏更歷數事  
是用擢自倅貳付之郡符江介都會廬陵為右爾其  
謹心詔條強力民務思有可紀以副遷寵可

朝議大夫充集賢殿修撰提舉崇福宮范子



奇可知鄭州制

教具官某陪京之右圃田為大當二都之衝道為三輔之繁會加以郡治初復民務至衆宜得良守以興善治惟其精于吏術屢宣使指向以辭疾退就散地蓋昔之能者或即而為治是用付之左符俾居東里勿以淮陽為薄所期東海政清也可

兩浙提刑張詢可知越州知濠州林顏可知虔

州唐垌可知舒州制

教具官某等列郡之治皆以承承流宣化為事雖分地有大小處民有南北朝廷以為共治其重均焉以詢嘗

省為郎出分使以疾自上求得所便察其餘力固足卧治是以付之會稽當一都會以顏與垌率更劇任可以繁使惟虔暨舒皆今名郡好訟之稱被於俗諺列仙之遊或在名嶽各務悉心以集民譽可

少府少監鍾離景伯可知壽州中散大夫李茶

可知耀州制

教具官某等叔敖之興荀陂鄭國之溉閩中民獲其利用無饑歲今壽春華原其遺蹟具存何古人用智之廣而流澤無窮也後之人見賢思齊不然守其舊規亦足以稱善矣某久更吏職祿秩崇重今以二邦之



事汝其盡心民務以就課最可

龍圖閣直學士知鄆州滕元發可知瀛州制

敕敦詩閱禮趙孟之言即足食與兵宣父之言政朕惟  
河朔列鎮將閭攸寄所以外宣國威內輯民務折衝樽  
俎收功于城非得材良曷稱付委具官某學輔古志汎  
愛容衆臨義而知勇為遭事而能不惑回翔中外所至  
可紀兼資文武每著成效是用移此中都之政付爾河  
間之治夫訓士以威則其愛允濟養民以惠則犯難無  
怨是乃詩禮之要道兵食之本原爾其勉之毋孤寵命  
可

資政殿學士知杭州蒲宗孟可知鄆州制

敕岱舊邦皞濟宗祀承百畝之善俗有中都之餘化臨按  
百城控制一道日用舊德以副民望具官某志慮深廣  
樞機周密達於從政之方寔備老成之美自輟網轄之  
任屢更股肱之郡善最可紀餘力深壯較此全吳之治  
付之東平之重夫江湖魚塩之地其民結竄而輕鬪爾  
能馴服之祿魯桑麻之墟其民樸重而好學事將無難  
矣勉崇終吝以副休命可

新差權發遣泉州朱服可權知慶州朝散郎胡宗

師可權發遣泉州制



敕具官某等南方之劇郡泉山嫠女並為稱首其民  
機巧趨利故多富室而訟牒亦繁其為守者常擇健敏  
而付之服前以便親為請今以泉易嫠而宗師久吏習  
事真可以治泉矣祇服休命思所以稱可

河東運副井亮采可知滑州朝奉大夫張琦可

知唐州制

敕具官某等外計之任表率一道邦用莫重於金穀民  
務莫先於調度智弗及之曠職甚矣爾等前假使傳往  
莅東土不知輕重之要曾亡取予之術以致民饑而無  
以賑賑糧絕而勞於發輸責其無杖直有罰懲黜守一

邦是惟寬典可

右諫議大夫梁燾可集賢殿脩撰知潞州制

敕詩云敬慎威儀維民之則蓋庭有变色則下多悖詞  
道民之慎何可忽也自古戒之義所不取其官某職在  
諫列地參法從不思朝著閭侃之美而忘公門鞠躬之  
慎敢肆倍言侵詆同列驚駭物聽虧損國體宜真深罰  
以儆在位稍奪諫垣之秩出守上黨之地尚從貼職以  
示厚恩勉自省循毋重愆適可

承議郎侍御史王巖叟可直集賢院知孫州

敕具官某朝廷樂聞讜議登進端士其言可用行之



無疑如有弗及亦當忍貴吾之樂善盡美其亦信於中外矣以某自參邦憲頗著風論方將稍遷以示褒漸而其猶是以不得其言引喻請去進取不為元聖所與不及中行未倍直道吾既不汝責備完乃素守付民社之重寄分虎竹之左符貼職履正專城厯下汝榮多矣思所為報可

新差知濟州王彭可改差知撫州制

敕具官某前守東陽孽火為沴使災眚應政汝宜民媚神者淺矣產濫滴流及廬舍延燒救護之術亦無聞焉有司議法適會恩降俾從薄懲以儆有土不失專

城之任當思省己之效可

知明州李萃可江東運副制

敕具官某財賦之入所以豐國用郡縣之治在乎甄人材監司之任柄是二者民樂輸而無憾吏服職而畏罪而後按察之最具將明之美矣以其通材濟務強力任術既崇豈弟之稱加以老成之風是用付之漕臺總茲江介其使民無浚恒之歎吏去刻覈之怨而邦用流行士心知勸是為稱職汝其慎之可



彭城集卷二十二

宋劉攽撰

制誥四

賜翰林學士蘇軾詔

晉

勅蘇軾省所上劄子奏乞外郡事具悉昔之賢臣常曰  
雅意本朝而以出入禁闈為樂故雖多病亦不願其  
得郡也卿以詞學論議朕所虛佇遽請補外將異於  
古乎約已就退自為謀者可矣而朝有輕內之嫌重  
非所宜勉恭職業毋違朕意所請宜不允故茲詔示  
想宜知悉



朝散郎太常博士丁騫可右正言制

勅具官某法語之言抗直之論士友相與或莫能受况夫自下劇上以義弼主言之非難也惟其信而可復則無訛已之譏而獲將順之美諫臣之任投受之際其不易矣吾所慎也某資性溫粹學問疏達知前言之與往行有直質而無流心使之正色當朝危言抗議宜無詭隨以違道亦不訐激以取譽是用擢於曲臺躋之右省伏蒲牽裾以竚未效可

朝散郎右正言丁騫可左正言宣德郎秘書省正字劉安世可右正言制

勅具官某等待從之臣朝之精選諫爭之職士所深願為其班著在日月之際論議有耳目之助上之用人既其甚難下之自達固亦匪易惟忠信篤厚乃能當其任矣騫凡職右垣綽形善譽安世讎書中秘素著高節足以膺此慎柬並處言路爾其迪上以誠明之德脩己以純白之操進不為名退不畏勢使人曰邦之司直不亦善乎可

承議郎盧訥可通判德順軍制

勅具官某州郡被邊皆於衿喉之地故雖褊狹而擇人甚艱倅貳者佐守之職政無不關其在邊之選又加重



矣爾以才畫可稱且膺繁使付爾軍壘勉思勤盡可  
承議郎通判鎮戎軍韓宗哲可通判大名府制  
勅具官某朕以北都圻甸居宇之重而河防之役方復  
繁移故旄鉞付樞機舊臣使司宮鑰又惟其佐貳宜  
所慎選某幹略堅挺見於職任是其遭事當不避難  
奉長當不苟合善治之效可跋俟也以是命汝敬慎  
毋怠可

承議郎充祕閣校理權判登聞鼓院張舜

民可通判魏州制

此文見家集

勅具官某前以御史言事不合朝廷優容直臣未嘗備

責故移位它局也仍在轂下而其力自推謝又以其多病  
及家婚娶求得自便天道從容而有曲成吾何嗚焉  
號略要郡俸貳維重祇服恩寵毋怠勤恪可

奉議郎楊紹可通判蘭州制

勅具官某邊塞之斥西路逾廣金城之地襟喉夷漢  
選將遣戍常籍勇士而闕決郡務會計金穀必得文墨  
論議以為倅貳故常使監司薦其宜者令使者以爾  
上聞其所譽者必其已試往蒞所職毋敢廢怠可  
朝散郎勾當左廂店宅務李敦顯可權通

判瀛州制



勅具官某倅貳之職攸助其長事無不闕謀無不預  
惟協恭而謹信深思而強敏奉上則順帥下則服河  
間大郡帥府所在用爾為倅推擇而進勉慎職業期  
可稱述可

朝奉郎孫載可通判陝州制

勅具官某自闕以來分陝為重水陸交湊民俗繁多  
郡治之佐其亦難矣以爾從仕滋久效力可見推  
擇付之寔為妙選甘棠之詩美在聽訟景行  
賢侔尚克有立可

奉議郎余景可通判莫州制

勅具官某郡邑被邊兵民雜處應接聽斷其任維重守  
將之下宜得陪貳以景練歷事務未嘗曠失足以綏輯  
夷漢寧固疆圉從置文安勉就成就可

通判隴州曹阜可通判邠州潘行可通判隴州制

勅具官某等朝廷之用人常使其優裕樂職無內顧之  
患則能盡其智力故有嫌者許其自列從其所便則上  
無掣肘之慮而下獲伸眉之幸矣爾等並倅藩州克勤  
民務惟阜避茲芥蒂與行易地而處宜體茂恩勉圖報  
效可

廣東轉運判官張升卿降一官小郡通判制



勅具官某蠻越遐阻聲教闊遠所以使王澤達下人情  
徹上民無邪慝之咎吏絕苛姦之敝在于監司廣吾  
視聽智不及是責奚可逃汝出分使指綿極海嶠而  
漢池之民恣肆狂狡烏合之衆圍冒城壘不能覺其萌  
芽至于繁熾至於興兵討捕又乏謀策將官使臣恣為  
威虐良民編戶多所殘戮論汝不職奚追嚴罰貶秩  
一等以儆庶官俾倖小邦佇觀來效勉務循省毋負  
寬宥可

前知華州王子文可差通判大名府制

勅具官某向分左符出臨劇郡弗良政術頗致人言

朝廷未嘗弃材有以代置俾為倖職用閱來效夫魏大  
之區千里畿甸軍府之盛汝之蒙榮亦為幸矣毋敢  
以有命為說怠愓人事仍取咎戾也可

宣德郎知京兆府長安縣王鑒可權通判岷州制

勅具官某西方諸郡外禦羗戎兵事民務應接非  
一惟守將之重宜得攸助故勅漕臺舉能者而補之  
令使者以爾來上譽必有試來效可期錫爾新命勉  
崇善最可

奉議郎監粳米中第八界黃思可通判大名

府制



勅具官某魏大之為都會而宮鑰在焉尹正之重伙  
助惟艱尔以材選粵當時任宣布詔條盡力民務有以  
自表用副朝寄可

宣義郎向宗傑可權通判安肅軍制

勅具官某西北州郡被邊者非一倅貳之官不調于吏  
部而中詔親授之所以為慎選也今以安肅付汝無以  
和壘為小怠於戒傲無以葢邑為易慢於刑政戒之  
慎之實副寵命可

新差通判滄州劉摯可通判定州制

勅具官某河朔重鎮威總兵要而稱帥府定為極邊益

加重為倅貳之職厥惟艱矣尔前以掄選倅於渤海令  
從之中山地雄望崇宜有以稱之毋致弛懈以孤休命  
可

朝奉大夫保信軍簽判蹇序辰可差權通判

滁州制

勅具官某前為諫臣黜而仕郡思愆補咎為日已久  
朝廷未嘗存材必有稍遷俾更倅守仍付便郡而父  
為一道之帥地比壤接鷄犬相聞尔知其為榮  
乎勉務恪居毋孤寵命可

承議郎克祕閣校理梅灝可通判杭州制



勅具官某朝廷以學術選士政事課吏其能兼備者  
可謂才良矣爾雖書東觀始以文進今復命爾倅  
貳劇郡試其為政東南都會惟抗為大謹奉詔  
條深察人情事將無難民譽可致也可

承議郎余景可通判信安軍制

勅具官某仕宦者以資級為階州域軍壘夫何間焉  
然為副貳者奉上使下皆宜有度疆場外禦兵  
戎雜處汝既更之矣益思勉懋可

趙濟降一官差唐州酒稅制

勅具官某回緣林選得任邊寄力不能強毅威敵

庶不能清白率下而耽恣博戲牽強僚佐自處必勝  
衆莫敢校責其償進過於效取無耻至此為辱已  
甚宜從貶秩之罰以肅慢官之咎酒榷市征之繁  
足以效力克已悔過尚能自返可

龍圖閣直學士朝奉大夫亮寶文閣待制

差遣依舊制

勅王者視民如傷故常有不忍之政為仁不富故常  
推陳錫之惠豈其作法於涼歛怨為德使淪胥之酷  
被無知之眊哉具官某往以浚謀建為邦計紛更  
約束峻列科指見小利而欲速推忍心於必獲密網



布設購賞積重半盈之饒其登籍者無幾纍纒之害  
或連坐者半道東南之民父子不保事雖已往謗者未  
息宜示深懲以戒惡吏奪龍馬之峻秩仍琳宮之舊  
守尚為寬恩宜自循省可

知制誥吳某加勳封食邑制

勅詩云濟濟辟玉左右趣之蓋上帝之祀以顯相為美  
在廷之臣以與祭為慶禮成於上澤施及下古之道  
也朕無間然具官吳某直諒多聞靖恭守位論議合  
五諫之旨訓詞得三代之風茲朕寅修禋祀對越穹  
昊惟爾鳴玉以相奉璋攸宜方熙事之備成既大賚

而錫祉亟頒寵教以復厥勞開國書勳寔有常典膺  
受恩遇毋怠欽承可

知制誥石某加階封食邑制

勅古人有言天子之尊惟其以公卿為正長子男為  
師旅也國家賓禮近臣隆厚寵教開國錫命備存彝  
典具官石某向以美材進昇右掖服勞侍從之事贊  
襄禮命之書朕以寅祀昊天大賚四海凡列位著  
畢與慶賞惟爾閭望簡在朕志庸舉舊章亟疏新  
命兼官崇峻封邑陪敷班寵有加名教借異祗服  
優渥無怠厥心可



四蕃大首領鬼章可陪戎校尉制

勅鬼章向以強梁寇犯邊圉稔惡盈貫係繫來獻朝廷  
隆好生之德廣柔遠之略被以厚恩代其萬死分其  
種姓之息嗣部族之黨類既知服罪咸願乞恩宜崇  
盛典以收來效俾脫黨街之戮仍賜漢官之命膺  
霽殊渥毋貳乃心可

右屯衛大將軍知潞州郭遵可觀察使知河

中府制

勅禦侮之臣嘗以一青致咎於其舊力收功末路爰疏  
茂恩以示殊渥具官某武節自効智謀有取嘗位樞

府亦分將閫留落不偶蹉跎暮年不能復鴈門之寄亦  
足深東武之歎宜復庶車之秩仍分<sub>其</sub>竹之榮勉爾  
激昂報我光寵可

皇伯均州防禦使世雄可觀察使制

教九族惇叙所以隆公族之恩三考陟明所以謹外  
朝之治非夫飭躬自喜辟咎無疵亦何以克播體聲膺  
受崇錫皇伯具官某地居近屬身載美材闕庭覲見之  
恭未嘗曠失宗室信厚之譽足為表儀舉其年勞詳案  
令緒宜示展親之典用伸如秩之榮進假庶車茂宣使  
指寵光之盛負荷實艱惟匪懈可以終譽惟謹度可以



持滿勉焉慎思母陞休命可

朝散大夫致仕趙宗誨故父任給事贈司空賀

可增司徒制

勅宗祖覃慶無間幽顯矧為著名前朝詔法後裔宜加  
異教以慰壤具官某父某操修立著聞措紳官闕顯  
榮驟躋青瑱既緣子貴追賁公衮進陟教官之長用為  
泉室之榮魂而有知歆此殊寵可

故母永嘉縣君姚氏可贈榮國太夫人制

勅宗祀均澤無間幽顯矧其德著閨門慶垂後裔宜加  
異教以慰下泉其官母某氏慈淑自修窈窕著稱既緣

子貴肇啓郡封進錫禴翟翟之華益為壤戶之寵尚惟  
陰翬歆此恩榮可

禮部員外郎鄧安詩

弟司農少卿安持故父任觀文殿大學士吏部尚書贈  
太師開府儀同三司追封舒國公克可追封魯國公餘  
如故制

勅朕眈之臣社稷之鎮累功積行克永終譽生榮沒哀  
兼極休命粵因大賚申隆贈典具官某父某官其事  
君以道謀國以忠經緯王度調飪鼎寔利澤施於海  
內標矩存於士林臧孫宜其有後二惠迺其覽爽蓼

三行按上低格  
寫



我之報明發載心屬此合宮之祀尊彼漏泉之澤追崇  
麟野之封增賁龍章之服尚惟幽壤備歆光寵可

母燕國太夫人李氏可持封周國太夫人制

勃爰敬盡於事親者孝弟在手錫類是以明堂之祀大  
賚溥天之澤凡預周行咸此報德具官某母某氏令儀  
懿行是為女師象服魚軒既從夫貴暨以君美之遺蓋  
為子舍之榮爰困釐之成俾申來諗之志啟封大國書  
社成周宗是寵章用疇慈訓可

左藏庫副使致仕王慈龍因閣直李士朝議大

夫工部侍郎克臣父贈左金吾衛上將軍母贈

普寧郡太夫人制

教合宮志祀大賚予哀昭天漏泉靡不周普具官某  
等故父贈某官某故母贈某郡太夫人趙氏天裔之出  
邦族之彥鍾慶後昆克生良子尊列朝著膺受顯服  
慰其明發之思申于幽窆之寵執金近衛普寧大郡  
視止若存哀榮備矣可

通議大夫致仕李及之父贈特進邁可特贈

開府儀三司故母華原郡太君張氏可特贈廣

平郡太夫人制

教宗祀均福晉及幽顯所以昭孝德之光于四海亦不

夫致仕程珣故贈吏部尚書

太夫人太中大



遺小國之儀也具官某父某為善在躬鍾慶于後母某氏閨閫之休後昆貽慶源流深永本盛枝茂慰其蓼莪之心由以漏泉之澤李及之父開府之貴禮視上公錫茲密章增顯幽壤母集封大國無采美君雖不及魚軒之華姑畀以密章之寵程珣父特進之貴位次上公錫茲密章增顯幽壤母湯沐之邑疏以郡封不及魚軒之華畀密章之寵可

國子祭酒集賢校理鄭穆可直集賢院充諸王府侍講制

勅具官某昔東平王有言為善最樂時主稱其言之甚

大史臣載為談夫以經術為意聖師之教日陳於前左右勸過故知新此其為善之樂其益茂矣今吾賢王蹈之求其端士舊僚以望其府輔惟某端懿淳諒博通藝文其在秘府綽有令譽還之講席以輔美志增麗正之峻或為儒者之榮觀宜思怡居用疇休命可

職方員外郎黃景可楊王府侍講制

勅具官某經術造士所以貴於儒林之官又况其勸講賢王曳裾大府其為慎東良可知矣某幼壯好學耆艾稱道輟自臺郎之逸俾從楚醴之游正心博古務崇職業可



承議郎張猷可太學博士制

勅具官某博士之選為人師者也身帥以善豈特經  
藝廣習而已乎以其前歷郡宰頗崇善養使居太學誨  
誘貴游孰曰不宜其勉之哉可

試太學正吳師仁可試太學博士制

勅具官某講誦師言訓道國子太學之官未有位著  
於朝而以道藝為勝寔儒者之美仕榮遇也不以貧賤  
為耻不以留滯為歎惟有志者充之然國家選第吏課  
選叙有等由學正而進博士是亦疇庸尚德之謂汝膺  
是選勉服休寵可

監察御史楊康國可開府推官制

勅具官某京邑浩穰獄市攸繁為之長者絜提綱領於  
上宜得仗助張羅衆目於下以爾材具修整庶物知務  
肇為御史休有佳稱使之貳官京兆宣布詔令宜其  
裨益足副遴選可

朝請郎工部員外郎石麟之可開封府推官制

勅具官某邦畿千里人以億計使萬室焉有一氓之訟  
不為多矣然而不可勝聽也京兆之屬吾甚重之以某  
久吏老成居有善養徒置幕府宣布詔令畫婉決繁足  
以期待可



開封府推官制

教具官其王都千里之畿輦轂五方之地民庶襟處情  
偽萬端聽訟察詞發奸摘伏尹正之重其二無琅以爾  
學通古今材任繁劇藝而達則從政乎何有強而毅則  
則臨事而屢斷以是擢於三館付之會府爾其虛心以  
輔已右由表以審羣情粵其慎守以永終譽可

才人馮氏父贈駕部郎中紹可特贈朝議大夫

夫毋崇德縣君李氏可特贈仙居縣太君制

勅才人馮氏父某官某積善在躬鍾慶覃後克生邦  
媛列政婦官屬宗祀之受釐迨溥天而均福漏泉之

澤及幽莫遺宜竣寵章以從贈典毋宜易城以隆贈典  
可

著官內藏庫使騎都尉李阿埋特授皇城使封

清河縣開國男食邑三百戶制

勅具官某朝用軍慶薄及微細爾預列官次例宜進  
秩東班之首使朕為重開國賦邑併增異數祇莊戒  
懼以答休命可

觀文殿學士知鄭州孫周可兼侍讀提舉中太

一官制

勅朕博覽前載以求多聞唯古今治忽之原賢淑經綸



之要綦然方冊可從稽考思得龐碩備于顧問具官  
其氣質渾厚心慮開敏挺然素絲之節至至黃髮之年  
既嘗歷位樞機陳謀幃幄忠言盈耳諫議協心是謂老  
成宜在法從俾造虎門之詔以緒金華之業凡取殊庭  
增嚴整事勉服休寵副予簡求可

知慶州范純粹可寶文閣待制再任制

敕封疆之臣是付方面之寄詩禮謀帥寔得中權之要  
折衝禦侮不違尊俎之間知名勇功乃居絕墨之外朝  
有懋賞吾不汝私具官某知慮開爽量力宏厚正固以  
嚴戎律忠肅而得士心好謀而成從善無厭自分兵閫

綽著威名隱若千里之城晏然三歲之戍敵情屢效  
烽無警言疇異庸進擢優秩登延閣之妙遠仍青油  
之重任軍立立號以勵虎臣省戶我冠無負儒服恩  
榮並進汝其念哉

种誼等制

勅具官某等羗虜結聚犬羊相聚倍負恩義恣肆蜂蠹  
尔等董帥精銳齊一心慮內則參預謀畫外則奮勵  
筋力或保護輜重堅固根本以是生致商首蕩平區  
落執訊效級仍為戰多蓋賞不踰月所以示勸進爵  
增秩國有常典各膺殊渥益圖來效可



蕃官趙醇忠等制

勅具官某等邊兵西討羗酋就禽皇威宣暢夷落箠服爾等誠以屬國躬預戎行力不遺餘事以輯集宜直懋賞用勸成績使朕郡符差以付與敬服恩榮益思勉勵可

秦貴等制

勅具官某等躬帥銳士深入羗部戎律整齊夷落震懾蕩區脫之種族絕河津之要路上功教級繁然可觀師徒解耗尤足嘉尚宜推懋典庸示勸賞郡符使朕以差增進蒙被優渥益思報稱可

蕃官業馱結撈制

勅具官某等邊兵西出羗虜震疊蕩夷巢穴縛致渠領爾等咸帥部屬預在行列以首功計獲既嘉其有成而金瑛被体乃卹其盡力宜推懋賞以示旌勸可

太皇太后殿楊氏等夫人進職制

勅某氏聯籍東朝承恩內闕備茲斗秩無違官事屬中宸之奉冊方庶類之蒙慶宜覃恩渥用是光華可

太皇太后殿張氏等四人進職制

勅某氏上冊長樂是為太慶加惠小心抑亦前烈惟宮事之嚴密矧司存之等差祇服恩榮毋怠勤恪可



龍左氏等十一人進職制

勅某氏等咸以貫魚之序親際從龍之會依日月之融  
光宜雨露之傳及稍躋女御老有司存祇服恩華益思  
勤恪可

大理正燕若古可國子監丞大理寺丞李舉之

可都水監主簿制

勅具官某等九寺之職事治獄為劇爾等皆蒞官大理  
是已試於其難者屬此官罷從爾它局夫猶斧斤之於  
攻木根節可解在其餘則易而無滯國序摠胄子之版  
都水主溝洫之事以其明辨何有非治毋曰弗類勉力

自効可

宋正寺簿王柄可太僕寺丞朝散郎張向可光

光祿寺主簿制

勅具官某等九寺之屬位下而秩簿然皆朝廷慎選可  
以漸於榮途矣以某與某為更有嘉聞叙而用之宜自  
竭力以副寵命可

朝散大夫衛尉少卿韓宗師可直祕閣提舉鳳

翔府太平宮制

勅具官某公卿之世能以修行自立朝廷之所尚也為  
其承詔世美而可博勸顯官豐秩夫何吝焉爾儒學吏



能皆有可紀至其色養不違仍信於人向嘗擢登書  
館退避不就屬乃父告老得謝復申前命以旌才良  
輟卿列之副朝有著作例二摠殊庭之釐事祇服休寵益思勉勵  
可

朝議大夫知密州王說可知涇州朝奉郎集賢  
校理解于師中可知鳳翔府制

勅具官某等邠岐二邦皆國重鎮內修民政則良守之  
事外愜威聲則名將之略朝所付予是為慎重以其出  
於鄉族屢膺藩寄以其向更戎瑣嘗著能效並付連  
城之寄列居千騎之長夫中和豈彘所以爰養南畝

嚴重明果所以董正師壘勉力勤恪以副推擇可

西京左藏庫使高道禮知安肅軍莊宅使文州

刺史朱衍知全州制

勅具官某等朝廷聲教化及朔南夷狄左社奉琛面  
內而邊圉之任仍所戒敬常擇良守以屏要郡爾等咸  
以知略夙備推擇宜付左符之寄益示專城之寵北  
抗河塞南極湖湘治民訓戎事惟一揆勤力匪懈以  
就來效可

知南京王震可知荆南知湖州林希可知南

京制



勅方面之寄所以屏翰百城郊圻之重所以保釐千里朝所付委二者惟均材之所宜試可乃己具官王震學以知務智足應物具官林希心慮通達文采彬蔚而該詳究吏術輝赫民譽在此無歎去常見思夫荆州全楚之舊也震往莅之以宣布于蕃之治睢陽王業所興也希就尹之以陪輔維則之化孟膺休命益思要術毋有怠忘用副銓擇可

知趙州杜紳知濱州太僕寺丞朱勅權發遣  
虢州知濱州張奕知趙州知虢州張仲容知  
建昌軍制

勅具官某等吏治弗脩民用離散輕去田畝起為劇奪此豈元元之素心哉吾甚閔之號略關西之巖邑渤海東齊之與區二邦之人令或失職汝紳汝勅以幹敏著稱是以選擇往蒞撫之昔太叔誅萑蒲之盜以安鄭國以猛治者也勝之而已而龔遂謹農桑之課以厚齊俗則允安之是為美焉景行前人庶必有立夫事上者不一其宜亦有工於此而短於彼度材而處孰不致治惟其仲容試吏之久俾其易地勉思竭力可

向萬聰男思遷承襲制

勅具官某男某萬聰歸義向化歲月綿久年齒耆老求



自便安願以州額付其長息宜聽承襲以光種落可  
向思越姪載舞承襲制

勅具官某房姪載舞思越之亡子當承襲以病自上求  
與從弟不失種族而付印章有義存焉宜從聽許汝以  
非次驟膺厚福祇服恩寵毋敢曠怠可

故溪峒都巡檢向思景男載舜承襲代父名目

制

勅向載舜父為漢官忠順自效今也則亡義當置後爾  
以適嗣法當承襲撫綏部族庇育族屬體茲恩寵當盡  
報效可

銀青光祿大夫檢校國子祭酒充溪洞恭順知

州兼監察御史武騎尉田洪獎長男思世承襲

制

勅具官某男某徵外向化膺受天爵父歿子繼厥為著  
令肆爾承襲不待功效惟盡忠孝無忝宗寵可

宣德郎太常博士楊國寶可成都路轉運判官

制

勅具官某博士儒者之選國寶居之衆以為宜而大臣  
薦其博學可使在讎書之列國寶辭不肯當而薦者  
益稱其能夫士之好古屬文信為美矣豈若施之政



事有以澤民之為懿也今以國寶為刺舉之官付之百  
城之任凡其財用之所興出官吏之所分部舒慘澄汰  
其務非一蜀端遠於京師朝廷之所眷顧慎爾智術副  
吾遷擢可

奉議郎安博可夔州路轉運判官制

勅具官某前奉使指往蒞左蜀未及報政以憂解去既  
畢祥琴復還仕版粵假傳車之任佇俟將明之最古賢  
以馭求為忠臣爾勉之矣可

朝散郎虞策可荆湖西路轉運判官制

勅具官某荆及衡陽洞庭之阻漕事之輸京師其行永

久列郡之富百吏之治遐遠幽隔又當察使者之任其  
重矣哉以某幹力著聞前在蜀道職業未究今復付以  
八州之寄宣布恩令思稱任遇可

朝奉郎江東運判劉極可淮南轉運判官制

勅具官某將漕之重辨為外計證察百吏則上之耳目  
均節九賦則國之淵藪然用吏之術久次則其效乃顯  
爾前在江介即有成績今復付之淮甸益觀遠略祗服  
休寵毋怠祖志可

新利州路運判溫益可湖南轉運判官制

勅具官某湖湘之阻遠於京師所以惻恤民隱宣布上



思惟使者為能副本朝之意前以某為巴蜀今徙之南  
州體予推擇之慎宜有恪居之效可

朝奉大夫新權知撫州鄒軻可江南東路轉運

判官制

勅具官某將王命之出內明邦國之若否使者之寄  
為朝耳目誠得其人列城受賜以某歷試民事舉集  
時譽今賦稅之出江南為重所以使百吏畏法四人  
就業將漕有序歲計充初選擇用汝宜勉之哉毋  
隳職業以孤任遇可

彭城集卷二十三

宋 劉 攽 撰

制誥五

朝散郎大理卿杜紘可朝請郎奉議郎試侍御  
史王覲可承議郎餘並如故制

勅刑罰所以輔治法令在於便民惟將明之材知所筆  
削而哀矜之澤由是布宣嘉其成書用推懋賞具官杜  
紘通知法意詳練時務具官王覲天質精敏儒業該  
茂而皆持心居厚觀物能察討論五刑之中究極三典  
之要輕重適宜簡易難犯新令肇布大綱彙明疇其恪



居錫之異教加秩進等是為寵光益圖報稱可

奉議郎陳向能可承議郎制

勅具官某郡邑被邊夷漢雜處加之遠人新附應接多務為吏者比及三年事整而無曠可謂能矣是以賞典及之爾參釐幕畫其效中率進秩一等以疇勤勤可  
宣德郎曹收可通直郎制

勅具官某朝有大慶費于四海百官進秩雨露之澤也爾預於甄叙通籍朝闈榮親顯家其賜盛矣服此休渥毋怠祇肅可

穎州萬壽縣令充後省刪定官葉唐稽可宣

德郎差遣如故制

勅具官某修令二省雖未成書而其年勞自富進秩俾其稍遷以循往例脫銓管之籍為朝闈之漸欽承光寵益自勤飭可

尚書右丞劉摯可尚書右丞進封開國伯加食

邑實封制

勅四輔之地二公覃化王政用為粹美民臣以之帖泰具瞻所寄慎選維重其有德業素著績用已效任賢勿疑吾以為準具官某全材博厚是為大器純德淵懿至于積載經濟是任鉅細必宜惟深以通天下之情惟



幾以成天下之務粵繇風憲入丞文昌六曹率職以無  
曠四海承風而知服今左轄虛位臣鄰莫先宜推已試  
之功更示峻遷之寵賜國加賦以符休命噫股肱惟人  
喉舌賦政任重道遠匪賢曷允惟爾夙夜浚明以賦  
羣望可

同知樞密院事安壽守本官知樞密院事加

食邑實封制

勅唯惟之謀據機衡之任折衝未兆眇微必察懔威  
無外遠逖咸服是所謂股肱之良社稷之鎮非我  
舊德曷庸重寄具官某器大有容材茂蕙濟實忠

厚以為質垂惇閱而輔志仁為己任毅而不回惟幾  
成務其施逾博粵自先帝擢躋右府智名勇功足究  
于房之事忠言嘉謨采著君陳之美宜正斗樞之拜  
以副薦紳之望善社真食併增異教將使鑿夷率服金  
草不試在大謀之臧而下丕應氣之和而衆知悅此  
吾制治之本任賢之心勉而行之以副虛佇可

通直郎太僕寺丞高士英可工部員外郎制

勅具官某百工之事萃于冬官屬郎之選是宜遴簡以  
某效職輦轂克修馬政風績壯敏宜所進升俾陟文昌  
之府以觀驥力之效可



朝散郎陳知新可知華州承議郎張景溫可通  
判荆南府制

制具官某等守倅之任有地千里承流宣化推廣上恩  
興利除害究度民事有志之士所願為也馮翊右輔江  
陵故楚生莖之盛厥為名藩擇材而處以命而等或守  
或戴思所為報可

開封府推官羅適可府界提刑前河東提刑范  
子諒可開封府推官制

勅具官某等邦畿千里王化所先內有幕府參預謀畫  
外則節傳督視縣邑皆為劇任宜付能者以適強力民

事知其要務方流治畎澮僅其就緒以子諒前奉使指  
按刑無頗是用並從推擇付茲浩穰詳獄岸之臣細察  
民情之真偽其亦無怠初心是則動罔不獲可

宣義郎徐壽可宣德郎添差福建路轉運司勾  
當公事制

勅具官某縣令之職愛民者也賦取有不便能以固爭  
于上使者非其人能以拒而不顧守正不奪見黜無悔  
如此乃為稱其職夫汝允誦之去思在民歷之不忘滯  
淹歲時百爾稱頌重因薦書之上將勵素飡之輩增  
秩一等隸屬外臺興利除害隱卹民病悉爾初心其



必有補矣可

故捧日左相都指揮使張元孫彥訪可二班奉職制

勅具官某孫某卹孤延賞朝有著令乃祖為國戢士歿身旅卹資其餘寵及爾童孫敬服休命思所自立可

借職奉威勇戍可三班借職制

勅某官勇戍哀死卹孤朝有著令兄亡弟及抑為殊寵今以俾汝敬服休命可

趙子諒等三人可右班殿真王楹等十四人可三班奉職制

勅某等朝廷設科以求材武弓馬程其藝能策略規其趣向二者俱茂可以當勇爵而承器使矣爾等咸繇舉薦得備廷試實副其名朕甚嘉之品差授官用示旌勸祇服光寵益思奮勵可

皇叔故皇城使榮州團練使仲鞞密州觀察使追封高密侯制

勅公族之愛戚疎有倫存垂悌叙之休沒著哀榮之典情禮所極爵秩何遶具官某地居近屬仕茲外朝修身有聞從改無曠奄至不淑為之傷懷宜推加贈之章亦示為善之報庶車侯爵併疏茂思魂而有知歆此殊獎



可

皇叔故右武衛大將軍惠州團練使叔鮑可贈  
鄆州觀察使追封東平侯制

勅具官某孫葛嵩之庇襲麟趾之慶進總環衛分鎮使  
符脩身有聞得奮甚美降年不融大命遽及傷悼之懷  
宜有以稱廉車為專城之重侯印亦分茅之責大邦須  
句併茲卹典尚其有知歆此殊寵可

皇伯濮州防禦使叔果所生母仙源縣太君張  
氏可贈永嘉郡太君皇城副使孫懷用母仙居  
縣太君王氏可贈崇國太夫人制

勅合宮祭祀率土蒙慶坐及泉壤崇其爵號所以慰天  
下為人子者之心而昭國家孝治之至也具官叔果所  
生母張氏寔生令子茲于公族由其鍾福垂裕克家  
顯服既疏湯沐之封以厚報我之報俾更大郡仍協令  
名魂宜有知承此休命具懷孫懷用母王氏寔生令子  
陟于朝著由其鍾福垂裕克家顯服既疏邑封以為  
湯沐而夫貴已隆贈典宜進特從賜國增視魚軒魂宜  
有知承此休命可

承奉郎趙令翻可南京簽判制

勅具官某詞學登第既躋膺仕又將試之民務究其心



術別都居留幕府甚重以爾從事茲謂美遷宜當悉心簿領之最豈特曳裾樽俎之間而已可

通直郎新差通判興國軍沈季長可差充揚州

具官簽判制

勅某朕於爾棄咎既示甄收更擇名都改佐幕府稍遷安使其益懋哉可

神宗皇帝御使五人等守永裕陵迴內王氏與

掌闈夫人劉氏與掌賓夫人李氏與掌飾夫人

制

勅神宗皇帝御侍某氏等朕惟先帝衣冠既藏弓劍逾

遠凡此女御經侍寢園送往若存慎終加敬逮際駒之  
邁邁瞻望田而若疑俾疏渥恩悉進品秩祇服光寵宜  
謹欽承可

故尚宮吳氏可贈安定郡夫人制

勅吳氏早服貫魚之序端習彤管之訓生著柔範沒存  
懿稱特推愍策以示恩典擇名城於大郡加寵服於禴  
翟尚惟有知應此休命可

入內東頭供奉官梁和未邁可並供備庫副使

轉出制

勅具官某等效職中侍功次當遷雖寓官資固為明陟



今而補外併疏恩渥使朕之重介貳惟寵祇服休命  
益思勤恪可

通直郎孫進可國子監主簿制

勅具官某國家開廣庠序學者其至雲委故學者備官  
而主簿之職清且要矣尔家世儒孝既習為吏使膺  
是選良謂稱為益務勤修以副銓擇可

皇城使漢州刺史廣南西路兵馬鈐轄同提

舉本路巡檢溪洞公事張整等降三官添差充

江州監稅內殿承制閤門祇應知融州溫高

降三官添差充歛州監茶鹽酒稅左侍禁管

句州臨溪堡軍事地方同巡檢杜震右侍禁權邠州

臨口寨鍾仲仁各降兩官制

此篇見家集

勅具官某等中國之所以臨撫戎寇常以威信結服其  
心豈其貪於殺人見小利而起後害乎爾等威以逐擢  
見任邊徼貪於有功輕肆剪戮無辜橫死近二十人文  
書自營謾不以寔覆覆案究極惻然傷嗟宜正典刑以慰  
遐僻差奪官秩用懲無狀尚体寬恩思自悔咎可

太府寺主簿韓宗本可大理寺主簿馬傳慶可

太府寺主簿制

勅太府謹出納之摠廷尉主決讞之事為職不同程材



亦異然精心恪居者亦何處而不疑惟宗本以親嫌引  
避與傳慶異地而處其各勤慎或業以就功緒可

殿中侍御史韓琦可左司諫制

勅為可替否陳善閉邪二者所當納君於道致國於治  
能至是者其惟良謀者乎具官某資質端茂論  
議開爽簪筆殿中執憲法司久有諒直之譽是用  
擢躋左省參聯七列尊其所聞則義無不貫恕以  
及物則厚不可勝正色立朝勉之慎之毋替朕命  
可

殿中侍御史豐稷可右司諫制

此篇見家集

勅具官某在廷之臣位下而望重者唯諫官而已其得  
劇切人主紀綱國體也然非其學足以達道其智足以  
周務見微而知著擇善而有容亦安能稱其事而宜其  
官哉以其自居憲府緝有士譽名不虛得材實允副移  
筆之權當伏蒲之選諫言正色迺其素守吐剛茹柔  
毋愧前哲則我為知人爾號稱職矣可

殿中侍御史呂陶可左司諫兵部員外郎賈易

可右司諫制

勅具官某等官以諫為職者所謂以義致身以道事  
上者也將順其美補助其闕耳目之寄孰重於此乎



以陶風力幹濟守正不回率職中臺屢形謹議以  
易學術精敏好古自喜效官南宮綽有令譽是用  
躋之二省之聯付以五諫之任爾其慎慮竭己正  
學劇上副吾簡求無敘素守可

宣德郎濠州簽判包綬可火府監丞制

勅具官某昔感喜伯諫君君子謂其有後忠諫之士  
所崇尚善善及子孫理亦宜之爾父陳力前朝扶  
義侗儻措紳之論于今弗忘而某亦能修身自立素  
風不墜元宰大臣為之建言吾所樂聞亟使進秩丞  
飲列卿效智都輦用觀爾能期自怡慎可

朝奉郎行都水監主簿陳安民可都水監丞制  
勅具官某吏習於事者可以勸功爾効職都水其已久  
矣因而遷之乃宿其業與夫初試未習者固有間焉  
勉崇著效毋孤寵任可

刑部侍郎龍圖閣直學士呂孺可權知開封府  
制

勅五民雜有是為浩穰之區四方維則寔曰風化之本  
尹正之任推擇攸艱具官某志剛而氣果材博而智  
敏効力周行莫非重寄剖符大邦分閭邊圉率有  
治最稱為吏師是宜付之衆大之居究其第宣之



化昔廣漢鉤距察人情延壽息信周屬縣能者之事何  
遠之有可

資文閣直學士知蔡州謝景溫知潁昌府制

勅陪京之南許昌為重昆吾舊宅之地是曰大邦先  
朝啓封之始因建赤府連七城之會繁當一道之綏輯  
其所擇守未嘗輕付具官某老成之德中外荐更治民  
之材所至可紀宜換竹符之寄俾分墜田之與忠臣之  
義乃心固在於王室良守之事可以蒙福於京師可

陝西轉運副使葉康直可直龍圖閣知河中府

制

勅具官某朝廷之用人勤者有以報之勞者有以休之  
要劇任常使迭處爾將漕陝服歷年于茲金穀之用  
無乏羌戎之警解上結課之最朕用嘉之惟蒲中之  
要藩居三河之勝地擇守之慎得人攸艱付虎符之  
優奇增龍馬之峻秩寵勤休逸併以賚汝勉服休命  
益圖來效可

新知秦州孫覽知河中府制

勅具官某龍門河山之固見於前載今為大府實一都  
會賦入之繁夥軍旅之走集其地既重擇守奚易爾  
資性平曠遇事通敏外宣使指內佐有轄荐著能名



補

資政殿學士知鄆州蒲  
宗孟可知河中府制

勅獄牧之任是謂維藩服  
之郡尤所精選具官某早以  
周林進歷近輔均逸居外  
偃藩斯久政術優裕民俗  
畏服顧以墳墓為念桑  
梓是慕求易使郡頗慰  
明發朕惟體貌之重後  
欲是宜付蒲阪之奧區  
當三河之都會敬服休  
命益思遠績可

允膺繁使易地隴上徙治蒲中漢之三河此為大郡  
循良之稱屈數為多勉務風績以追前列可

資政殿學士知鄭州張璠知河南府制

勅三川之地二代餘俗內守宮鑰外奉園寢居留之寄  
慎選所先具官某智實周務器維華國謀謨著於廊  
廟功業見乎舉措柱石之資民望惟允繇均逸而居  
外既報政而上聞爰付玉麟之符以總日圻之重宜  
其惇懋風化用極隆遲可

龍圖閣直學士朝奉大夫盧秉可知荆南府制

勅君子不奪人之親使之遂服先王之制既不可過門

補

寶文閣直學士知揚州  
謝景溫可權刑部尚書

制

勅百官之本係于尚書  
曹之長稱為八座朕慎  
選其人每加遴選東孟  
法可無虛授具官某  
直性剛特為學堅正  
歷中外決治聞譽察民  
情之真偽練國體之詳  
要且宜付之秋官之任  
執此中典

外之治有以揜恩具官某早以材華參于法從朕龍馬  
之祕遠總戎閩之會繁更最亟聞親喪致事不呼其  
門于今三年祥琴始終仕版宜復春南荆之奧壤居  
全楚之上游剖符列城表率一道祇服光寵益恩恪  
居可

朝請郎王子琦可衛尉丞制

勅具官某中外之任非有重輕惟才所宜而後付與爾  
更歷州郡既有善績觀光于朝貴於適近是以擢丞  
衛尉効力較下欽承休寵勉就職業可

朝請郎溫俊又可大理寺丞制



之失或以便文而忘惻隱  
之實好生之德乃在盡  
心而得哀矜之旨慎爾  
官守副吾休命可

勅具官某決平獄事下無冤不作士之重所以使不  
犯于攸司攸助之官丞居其一以爾材力通敏大臣  
所稱擢而用之其必有效且自奮勵以先任遇可

張番龍番進奉使將軍制

勅具官某等慕義向化獻琛修贄誠款可取甄賞宜及  
並從懋賞以榮種落或繇卑秩稍遷品列或起徒步而  
加爵服咸思忠孝以耐光寵可

左司諫朱光庭可左司員外郎右司諫王觀可

右司員外郎制

勅具官某朝廷開直言之路延諫爭之臣其能愛君主

於信厚論事識其大體不為苛察以取聲譽而補益  
之效繫然可見宜有褒崇以顯尤異惟觀學問端遠  
臨事屢斷惟光庭氣宇博重見義不回並列二者有  
光七列文昌之為政本都司之有屬郎尤思得人以  
齊衆務俾從遷秩復使效才可

左司諫韓川可太常少卿制

勅諫諍之臣以謹言悟主禮樂之司以制度輔化皆  
當精識好學乃能勝任故宜於此者可以進於彼矣  
具官某智慮通敏文彩淳正自歷風憲之司以及諫  
垣之列抗慨大體激昂壯志資其餘論可謂盡心移



其直清足以典禮宜付秩宗之貳用觀儒術之效可

朝散大夫左司郎中范純禮可太常少卿制

勅具官某晉侯霸者首正執秩之典漢祖馬上亦先叔  
孫之儀禮樂之治古今要務於其司存必付能者某生  
於名族幼有令聞忠信可以學禮文雅用之飾吏屢從  
器使皆得士蒼宜真奉常之貳俾主曲臺之論至於  
古今之變使無膠柱完情文之說不為聚訟是勤職業  
用副獎擢可

太僕寺丞高士英可府界提點誥

勅具官某都畿之廣縣邑綦布在周則規方千里於漢

則開置三輔至其聽察嶽岸調度官用何嘗不選擇使  
者宣布上恩以某敏惠於事久結吏謀宜付傳車之任  
以觀美俗之效可

天武右第一軍都指揮使通州刺史聶達可左

屯衛將軍致仕制

勅具官某朝廷之於羣臣壯則取用老則安存休息之  
所以全其息厚也汝以武力為職至其耄老不可復任  
以事仍錫餘寵用光暮齡環尹之崇寔為異數可

虎翼軍都指揮使寧州刺史張明可右領軍衛

將軍致仕制



敕具官某效力虎旅恪恭師律今其年至宜使休佚擢  
環尹之寵旆為掛車之餘榮蒙被豐恩知其優渥可

新授常州司理參軍孟三英父真可承務郎致

仕制

敕某人貴老尚齒所以勸天下之為人子者也是以教  
令之下常及高年粟帛之賜既有秩次九十者復命以  
官此朝廷恩禮逾於前世矣爾以暮齡膺茲寵數內為  
子孫之榮外為鄉里之觀逢辰之幸其亦至矣可

承務郎致仕張毅可承奉郎致仕制

勅具官某引年致仕弗及以政而慶賞之典與在朝者

均國家養老之禮所以隆於三代也爾以暮齒膺此光  
寵既為幸遇亦耐素守可

承務郎致仕魏中庸可承奉郎致仕制

勅具官某告老謝事退居里宅勤勞之役既不汝及朝  
有慶澤顧不汝遺貴老尚齒博篤至矣蒙是休顯汝  
知幸焉可

通直郎李周可奉議郎致仕制

勅具官某告老之臣弗及以政慶賞之事遐邇不遺  
以是朝恩追於老者惟汝黃髮膺我殊寵是誠幸遇  
毋念欽承可



宣德郎致仕呂昌符可通直郎致仕制

勅具官某以年致政閑勞以官職之事而慶賞之典亦不汝遺朝廷之貴茲敬老之風厚矣升秩閏籍有列位者得以追贈其先不其貴歟然亦為吏庸勤無咎之報也汝知之乎可

儂應鄉可三班借職充歸州巡檢制

勅具官某男某乃父為國守邊外圍夷獠而以疾病不任需章上仍述知子之內舉庶幾幹蠱而克荷宜從錫命以靖遠眚可

承議郎翟思可祠部員外郎制

勅具官某尚書屬郎皆擇端士其進既難而其用有漸以思敏識深慮見稱於時且備建禮之朝仍付冰廳之選勉勤職業以稱推擇可

行門崔琪等七名授官制

勅某人等國之爪士居守王閑拱衛軒陛之嚴耆竭股肱之力積勞可叙甄賞宜加因其執射之後先以為賦祿之等秩膺我光寵勉爾恪修可

勅某官某七萃之士為千夫之長治衆以整訓勇知義隊師之選材武是艱爾陳力軍和茂聞批政叙遷園校用錫茂恩加團結之雄名壯貔貅之重望益崇來效毋



棄往勞可

勅某官某國家開設勇爵養育戎昭壁壘星陳偏兩  
鱗次戰多則懋功疏賞平居則用勞次遷所以一內外  
之志齊上下之分爾陳力維舊叙進是宜齊衡五符踵  
武官帥杜豺豕之重望假符竹之雄名恩渥之隆敬慎  
勿替可

朝請郎解補之故父任尚書刑部侍郎致仕贈  
金紫光祿大夫賓王可贈特進奉議郎王詔弟  
奉議郎護故父任給事中天章閣待制贈銀青光  
祿大夫舉元可贈特進制

勅能仕教忠良父之事立身顯親孝子之美朕嘉義方  
之成訓矜欲養而不待弗恡高爵以隆贈典具官某父  
某生應顯秩政有餘烈肆其後嗣服此朝家因釐事  
之告休沛豐澤而追遠特進之貴位次上公宜加  
章用資幽壤可

朝散大夫宋惠國弟朝奉郎輔國弟朝奉郎  
奉國弟朝奉郎服國故母豫章郡太君列氏  
可贈宋國太夫人制

勅合宮塔祀溥率蒙慶惠澤所加無間幽顯然非積  
善之門世有令人亦何能霑此優渥無愧泉壤也具



官某等故母某氏婦順著聞母儀脩整諸子伯仲同列  
簪裳褒贈之典寔慰孝思緣其父之崇貴宜厥配之  
休顯粵疏名邦申錫象服尚惟冥漠潛喻光寵可

太中大夫致仕程珣妻壽安縣君侯氏可特贈

上谷郡君通直郎呂元淳弟奉議郎元忠父吏

部郎中充天章閣待制景初可特贈通議大夫

元淳母仙源縣君陳氏可特穎川郡太君元忠

母永康縣君魏氏可封安福縣太君制

勅宗祀均福普及幽顯所以昭孝德之光于四海亦不  
遺小國之義也具官程珣妻侯氏粵以令德嬪于茂族

輔佐君子稱為女師餘芳不泯既沒如在特疏郡封以  
為湯沐從夫之貴當營於室泉壤有知歆此光寵具官  
呂元淳弟元忠父某直清勵志端直立朝脩途騁而未  
窮高風沒而猶振肆其後裔並列朝閭慰其蓼莪之心  
申以漏泉之澤進加寵秩增賁幽安其亦有知膺我  
休命元淳母陳氏粵以令德嬪于茂族輔佐君子稱  
為女師餘芳不泯鍾慶仍厚爰因子貴追預夫榮特疏  
郡封以為湯沐尚期幽壤歆此寵章元忠母魏氏韞  
德幽閑作嬪良與母道既茂子貴方顯屬此合宮之  
之祀方費溥天之慶宜疏封邑仍畀名城既崇湯沐之



榮亦慰烏烏之報可

朝散大夫司農少卿同宗且故伯父任尚書虞  
部郎中繹可贈朝請大夫故伯母長安縣君杜  
氏可贈昭德縣君制

勅具官某伯某母某氏禮之所起由義與恩尊尊親  
親率自是出惟宗且懷世父世母鞠育之愛思有以  
報有請於朝不徒爾也用已考課陟明之賞推而移  
之可謂能不忘恩者也矣雖法所未有可以義起也  
無害於尊尊親親吾亦安得恠而弗從加秩一等增  
邑湯沐用告其第足為先寵可

朝請郎吳安度母王氏追封成國太夫人制

<sup>勅</sup>邦君之德具鵲巢駟虞之化孝子之思有凱風寒泉之  
感哀榮之典兼備愛敬之治維廣追崇懿行奚恠光寵  
朝請郎吳安度母王氏輔佐君子挺幽閑之操宜其室  
家備均一之美遺芳未泯積慶方厚舉集門風伯仲幾  
乎萬石疏恩郡治湯沐近於百邑爰因合宮之祀申錫  
漏泉之澤俾封成國仍付榮名禴翟有光壤戶知貴



論更學校貢舉法

臣伏惟執政以古之取士俱本於學請興建學校以復古其明經諸科欲行廢罷取元解明經人數增進士詔兩制兩省御史臺三司三館議臣切謂本朝選士之法行之百年累代將相皆由此出而以為未嘗得人亦誣哉天之生才原以待用有才者既入其中而又為之別立一法通才固無所不可而更定之初素習科舉業者復改塗易轍學之未必遽就且立一法必將有一弊賢者出其中不肖者亦出其中不獨明經即賢良方正孝廉鄉舉里選虛聲飾偽漢魏兩晉大槩可考尋將再變其法無以甚異徒率天下而路願因舊貫毋輕議



改法。夫士修于家。足以成德。亦何待於學官。程課督趣之哉。待程督而後興者。必皆趨利競進之徒。立身行己。明義致用。未之有得。欲如曩時之士。將相輩出。勢有不能。且習大經。通大義。及兼經者。未必不通論策。竝及詩賦。工詩賦者。未必不講論策經義。各由其門而入。因其所長而試之。試中選者。皆足任使。不同空疎。當其閉戶窮經。克已自勵。必自得之。非令甲之所能及也。一切紛紜。並宜罷置。天下幸甚。

論經筵坐講

臣惟臣子之禮。陳善納誨。人君之禮。訪道問德。各有其分。經筵之日。侍臣講論於前。不敢安坐。避席立語。乃古

今常禮。至君使之坐。所以示人主之尊德樂道也。恩遇異數。非可邀求。而徑情自遂。舊制講讀。每見先賜坐。暫起講。復坐。是雖賜坐。而當其進講。則猶暫起。講畢。然後復坐。臣子之心。不敢安也。顧賜之坐而坐。禮在則然。若不命而請。則異矣。臣等殊有未安。當奉特恩。取進止。



彭城集卷二十四

宋劉攽撰

奏疏

貢舉議

彭城水西字集尚有論及學校貢舉法一篇應抄附此篇之後

臣准御史臺告報進詔書天下學校貢舉之法博訪臣等今得詳議者臣愚以謂人主之舉事與人臣之獻議不同人臣之議者盛言古事以為高侈言已忠以為博迂遠而不切事情漫汗而不濟世務雖已自知其無益于治矣而猶為之何也其言之有理其持之有故其名之所存足以夸象眩俗故敢為而不疑耳人主之舉事

彭城水西字集奏疏內有論封太祖子孫行多者一人存太祖祀一篇應抄附卷內論封太祖後狀之後



則不然度時之所宜因俗之所安不為虛名而棄實效  
不慕遠業而捐近功使令出而下必信事舉而俗必定  
故與其出令不當而亟改之不若謀事于始而慎慮也  
今陛下患選舉之法不明教育之方未善此必有以前  
古久遠之事感動上聽者不可不察也本朝承百王之  
末創起律令雖未及三代其隨時因俗從宜應變增損  
不常亦自一朝之制而選舉之法行之百有餘歲累朝  
將相名卿及今之所謂賢材與共天下之論議者皆非  
以它塗進者也而誣以謂未嘗得人臣竊以為過矣且  
臣論之今時選舉之患不在創法之未善而在有司之

弗良不患試言之非要而患聽者之不察何以言之今  
國家求賢良異材之人則使公卿荐舉求文學經術之  
士則使郡縣推擇此雖三代取士何以過此帝典之言  
曰敷納以言孔子曰不知言無以知人也然則未知人  
莫如聽言故國家試士之文詞亦二帝敷納之比也誠  
使有司兼仲山將明之才懷孟子知言之術精聽慎擇  
則賢不肖豈不較然由今觀之取士之法本未嘗失而  
有司之聽或不能盡今以有司之不能盡而變法法雖  
亟變而不擇人付之雖法如三代猶將終無益也議者  
或謂文詞之為藝薄陋不足以待天下之士臣愚以謂



今進士之初仕者不過得為吏部選人國家待門廕恩  
澤者亦為選人流外小吏亦為選人選人如此之卑也  
而天下之士以文詞應此選豈不固有餘裕哉朝廷設  
置何等爵祿而更難其選乎且進士成名者國家亦  
何嘗便以為才傑而任用之或以文章顯或以法律用  
或以善政事稱或以治財賦進皆待其來曰成效而後  
有取則夫取士之始亦何用新新遠惜若不得已哉且  
朝廷更選舉之法將以想望高材豪傑之士也今天下  
之士至于禮部者歲不下二千人朝廷豈能以玉帛之  
聘弓旌之招而遍得此乎必亦使之投牒自進耳士之

投牒自進必非豪傑之士伊尹管仲之儔雖更其科試  
而取之徒小異其名目然其得自未有以異于前也更  
恐好利術鬻之人崇虛名以亂真則取士之失又甚于  
往日矣謂者又謂不如一用鄉舉里選者此又知其一  
未知其二也夫二漢之用鄉舉里選所以得人者其時  
郡縣之吏自廷掾諸曹卒史馭吏亭長游徼皆賢士為  
之故其臨財不苟則知其廉值事能斷則知其智文武  
材畧莫不畢效故其譽之有實舉之不難自流品分別  
郡縣吏卒棄絕為賤不齒于縉紳賢士不復從此役士  
之居鄉里者何由察知苟憑虛名以進人後有不稱將



復相與蔽護其短而謂之材終亦不得真賢實廉矣是  
鄉舉里選又不可盡用也凡此數端皆臣所以深疑者  
也不知臣之愚陋至此耶抑亦千慮將有一得也然愚  
者之志專則難移故臣願朝廷且毋庸輕變選舉之法  
不如因舊法而慎選有司之為愈也雖然尚有一說今有  
人于此明辨足以判獄訟智畧足以治財賦而文詞不  
足以自發經藝不至於沈洽則將捐棄終身無仕進之望  
其才豈不可惜哉臣願陛下為設從政科使公卿及監司  
舉如此人以充選必有舉者三人乃召而用之且毋以  
為真試之三年才任其事然後命之以官即不可使復還

為民而坐其舉者如此則天下之材士殆無遺逸矣臣  
聞教育之法所以治性也性修則智明智明則應物不  
惑不惑則盛德之士也自兩漢以來學者未嘗不以利  
祿為心夫可誘以利祿而勉強為善則德性離矣是故  
造事不及三代者由此也今陛下建學校為置明師而  
誨道之毋問其所學毋限其所能則賢材莫不養育矣  
若愚文章之敝而以經藝勸之學者之志不出於為祿  
利也則文章之士變而為經藝雖曰不同其利於德性  
也均矣天之生材有昏有明智明材大者非小智小識  
之所能掩也及其淺晦下材雖日提之亦終不能以致



高大士修之于家足以成材亦何待學者官程課督趣之哉至愚不足以知遠畧惟陛下裁幸

覆宗室遂寧郡王承範謚僖溫議

王以同姓支屬鬣髮仕官耆艾沒齒更歷顯榮五十餘歲若其闕庭之禮束帶垂纓而齒內朝者久矣郊廟之事執膳賜爵而均福慶者多矣無錯立族談之謫有夙興夜寐之勤纖介之失未嘗上聞其小心恭慎之謂乎夫膏粱之性難正世祿之家鮮禮矯情抑心不可常也而王脩身訓族歲久彌固其德性溫和之謂乎麟趾之詩公族信厚以為闕雎之化東京諸王不失法度以為

永平之美王之樂善朝廷之教也易名僖溫謂王宜之

考功覆吳尚書謚文肅議

尚書力學強記有志於從政非若世儒徒以經術通明文章奇偉為顯名垂譽而已也是故始立朝則以直言讜議開悟上聽然後舉賢良方正守稱其逸凡為諫官近臣而上謂其言盡遭事不惑知無不為沮止佞邪發舉善政以至更歷二府始終一節太史公所謂扶義倣儻不使已失時立功名于天下尚書有焉其謂之忠信接物執心決斷非虛美也

太常寺論封爵狀



臣等伏見周禮封爵諸侯皆有命書典策又有約劑書於宗彝及漢封功臣亦有丹書鐵契藏之宗廟誠以封爵之事傳世無窮不可不慎重其禮且以防後世之爭辯也本朝慶曆中始為諸王置後傳襲其時上恩雖厚而有司典策不備約束不明昨因刑國公世永亡歿與王越王兩宮爭訟尋求故事以斷是非自中書宗書寺禮院史院皆無文書可以討論然亦非有司有所墜失也臣等以為諸官傳襲封國者甚多今不為造作約束恐後日常有分競不已宗室爭辯薄義傷化甚非美事本朝制度雖不盡用三代自當因宜立憲著為律令使可遵

守藏之太宗副在中書太史禮官貳之合於周禮之宗彝約劑漢氏之丹書鐵契傳示無窮於禮甚便望朝廷特賜詳酌下禮官等參議施行

舍人院奏乞再建紫微閣狀

臣等伏見舊中書舍人院有紫微閣真宗皇帝御篆題榜副本刻石自重修三省紫微閣廢拆御篆無所張掛伏以本朝建築省閣上法天垣前聖有作自難減損至於宸章天翰宜永垂後萬億千歲瞻仰寅奉在周之時天球河圖允戈和弓異代之物尚皆傳保伐圖庸器每祭陳之何況巍巍聖作其可廢置不顯有司惜土木之



小費勤人力之微勞甚無謂也或謂神宗皇帝已不建  
閣臣等以謂先帝釐改制度次序行學實有未暇至於崇  
奉祖宗必有深旨安知其構築不在方得也伏乞聖慈特  
賜詳酌復于中書後省建置紫微閣標掛御篆予以完  
本朝之舊制副前聖之垂憲事體甚大寔班列之所深  
願臣等不勝惓惓之至

辭免中書舍人狀

臣准尚書省劄子告示已降告命授臣中書舍人令臣  
發來赴闕承命震悚不知所措臣年齒衰暮舊學荒廢  
方得發揮字號潤色典訓不當蕪漫失次以速官謗伏望

聖慈監其悃誠罷請恩命以安賤分臣緣已交割州事  
不敢久留舊任遷迓前去次云云

兩制議秦王襲封狀

臣等謹詳熙寧詔書為秦王置後其時判太常寺陳薦  
等議請以秦王庶孫克繼為後知禮院韓忠彥等請以  
承亮為後先帝兼覽二議詔依忠彥等所定太宗正司  
言所立嫡庶不當乞賜詳定又詔兩制官再議王珪等  
議當以克繼為秦王後奉聖旨依已得指揮承亮遂封  
秦王王臣等聞易曰大君有命開國承家故春秋之義唯  
天子得以專封今承亮為秦王後詔旨丁寧如此是大君



命之開國天子所得專封承亮受國傳其子克愉已經兩世無為輒厝論議于其間且上考前世史傳及本朝故事未有傳國兩世復議移奪者今克愉亡歿自當依禮律置其後嗣其亡宗室妄有訟訴不在來聽之限

論汝州合建節狀

臣伏觀今日四日赦書節文其京東京西曹許州並升為輔郡者伏以萬乘之后兆衆所集內則提封千里外則列置四輔蓋欲以拱衛王圻威重帝室陛下稽古圖政憲天垂法以曹許之地當輦轂之側雖壯鉞廉車足治浩穰而神州赤縣近屬倚毗殊其命稱寔備闕典茲前代之

弗及亦萬世之不遷然臣聞自昔二郡皆為甸服廟社

所寓宮闕相望憲章不殊名實共貫今二郡制度既已

恢大而西郊事體獨似騫缺敢陳狂瞽少裨萬一竊見

汝州遠自唐室反為輔郡爰及聖代馮翊別都距中土

無數舍之遠聚生齒有六縣之衆襟帶河洛藩屏楚鄧

而乃列在支郡稱可防禦於衆賢之封最為不稱在陪

京之域莫有比倫且并隨僻陋之區止利巴贊之邑非

要害之重無都會之稱尚且立節建牙兼官累印何況

周南近豫洛宅上流可以無十乘之車備三軍之士區

區小邦自守而已翼翼商邑不亦突哉臣愚以謂汝州



既與曹許同是輔郡自宜升為節鎮如此則東西兩京  
左右二輔形勢壯大典法該備足以昭寰內之巍巍增  
天威之赫赫且鄭州雖名右輔本亦小侯近自景祐之  
初始賜奉寧之號故事未遠有司具存伏乞聖慈下兩  
府詳臣所奏議定軍額特降指揮

論封太祖後狀

臣伏見手詔推求太祖皇帝諸孫屬近行尊者立以為  
王以光大成功偉業此誠陛下追孝祖廟聖恩無已舉  
百王之所未嘗用而行之則傳所謂禮雖先王未之有可  
以義起也然竊觀詔旨所處猶有未諭恭以太祖皇帝傳

國神宗雖謂兄弟用後譬猶南及王太統所在繼體之

君皆太祖子孫也盛德之祀澤厚流光舉在是矣何待

復求諸孫而王之如是則祖廟有功不毀之稱列聖繼

統丕承之美反不及置一國乎古者惟列國之君無嗣

則有求其子孫而紹封之者祖宗之重不可與此同議

又諸侯不得祖天子今封王當自為其國之祖終不敢

上承太祖明矣臣以謂陛下欲褒揚藝祖豈無其說按

春秋傳曰管蔡邲霍魯衛毛聃却雍曹滕畢原鄭郟文

之昭也文王造邦為周太祖子孫封國最多後世不敢

與並漢明帝亦曰我子豈可與先帝子等故世祖諸子



皆封大國而明帝子才半之也然則帝者之世崇厚始  
祖之子常必異于繼體矣太祖皇帝之子惟德昭德芳  
二人陛下何不崇此二國之後世世不降其爵與周漢  
等盛宗廟祭祀使之在位則藝祖魏魏之慶陛下烝烝  
之孝無不休顯者明矣臣以愚戆待罪禮官知陛下推  
崇祖宗顧聖慮超越非羣臣所及猶願考合典禮使其  
大義可以講說為萬世法故敢冒進瞽言伏望少加采  
擇臣無任戰栗之至

太學申監狀

右檢會先降勅命主判官與眾學官于學生中推文學年

德可師一學者二人以為學正學官送公正廉直者二  
人為學錄爰自建學以來常奉詔從事皆用生負學官  
亦蒙訪逮只從去年補孟醇為學錄今次補劉濛為學  
正直講不得預聞判監特然給帖孟醇曾在太學乍可  
甄收劉濛來自他方初不諳識化筆默定有若疾雷博  
士備負不翅虛器某等自知愚戆無似拙直可慮倚席  
不講尸祿素餐識慮無知人之明何足取信官秩有品  
隔之賤不當下問豈可厚顏更伸餘議其如在學生負  
數逾二百郡無俊秀未可厚誣今來忽使不知何人自  
外突然遽相董正耳聆未聞其稱譽目擊無異于輩流



誰肯自謂不如例使甘心為下又上庠教育之盛如此  
祭酒樂之廣如彼養終選一士便須外求流聞四方抑亦  
甚陋伏况內舍限數已依敕命施行唯此學正差人却  
與詔旨違戾本末不稱義理未安欲乞少還尸祝之分  
薄采芻蕘之議上遵甲令下慰諸生若以謂行己之命  
出于特達橫議雖多不可中止即乞明降約束斷自將  
來粗用詔條未令廢格少存察屬略賜誰何者以前件  
如前謹錄狀上伏聽聖裁

不合坐狀

臣等議以謂侍從之臣見于天子應對顧問講論古事

延案此題不甚明了  
考水西字集亦論經  
廷坐講一首必初補  
此篇之前

不可安坐自若避席立語乃是常禮今公著等自以傳  
先王之道求異其禮是大不然何以明之凡九經章句  
之說出於近世諸儒訓詁委瑣未必皆合于聖侍讀之  
職傳道章句之學耳是故使與舊史諸子雜陳於前而  
明主一采擇之朝廷班制猶以侍講居侍讀之下祖宗  
建官之本意其可知也今忘其章句之法細而自謂道  
德備已不察侍從之實而求以師賓見異不繆乎議者  
又謂天禧之時侍者講者皆坐天聖之後皆立至今侍  
者坐而講者立以講謂有司之失臣等以謂侍從之臣  
預于間燕坐立不同人主可以專之不可計校前後歸



通有司至于人臣求自殊異取必于上則為不可昔仲尼正假焉之名而拜不違眾曰事君盡禮人以為諂也今人主之待侍臣自始見以及畢講皆賜之坐而從容焉意厚亦已至矣不可復以暫立為難如公者等議臣等以為不可

薦王觀狀

准勅應臺諫官館職各舉才行堪任升擢官一員令中書審察如所舉不謬取旨隨材試用者右謹具如前臣伏見新授權潤州觀察推官王觀學問通達不惑異說其在鄉里以孝弟見稱其於仕進所謂行已有耻者臣今

保舉克應前件詔書如經試用有不如舉狀臣甘連坐謹具狀奏聞

辭直龍圖閣狀

臣准閣門告報已降告命除臣依前朝議大夫直龍圖閣知蔡州事者聞命震驚周知所指伏念臣本以羸病乞從外補聖恩開許即為厚幸今乃貼以閣職豈臣愚陋所可堪任且臣非有德德度標矩素為士林之望又無治民之最簡在王府橋味慙拙無異于眾人非次蒙被恩寵是謂僥倖之人足玷聖化伏望朝廷察臣悃愾采其寸誠收還謬恩以安愚分臣以賤官得分民社自可



竭力上報鴻造臣不任懇切之至所有告命未敢祗受

合罷齋筵狀

伏見太常禮院定到儀制注緣為荆王薨坤成節依內  
降指揮更不上壽其罷散道場及齋筵並依舊看詳坤  
成節上壽禮院依據前創奉行中旨即為允當其齋筵  
等事別不聲述稽據但云並依舊寔有可疑何者坤成  
燕設本緣上壽今既罷奉觴又輟大燕則齋筵何可依  
舊罷散道場對物作樂本緣佛事可以如常至于齋筵  
廣陳聲伎簪珥花卉飲食醉飽倡優諧笑方兩宮側但  
之際臣子亦何心安此歡娛也若以為齋筵主為群臣

與荆王不相干涉事則然矣其如兩宮側但群臣瞻奉  
安得如秦人之視越人都忘不相眷之義乎伏見嘉祐  
年中宰相富弼丁憂仁宗皇帝正當春晏特為輟止弼  
母于國不繫休戚仁宗但以相臣新在慘恤為輟盛會上  
恩之于大臣如此其厚今兩宮側但而令群臣怡然安坐  
醉飽歌舞歡娛雖聖慈聽許臣子之心其亦何安愚以  
謂北客外臣可使就驛賜晏自餘羣臣何須集會

為家兄謝除汝州狀

臣准敕改差臣知汝州事續准中書劄子伏蒙聖恩以  
臣久病艱于拜起免臣朝參及放辭者臣蘊材無狀移



病歷時曠形度之奉朝廢金華之事業按舉故事皆合  
免歸蒙賴私再從賜告間者辱珥貂之臨問加苞寔  
而自將爰暨適臣每聆諄誨以茲最陋之瘡微簡上心  
在于魂夢之交忍違帝所而臣生計無勢家居屢空聚  
族云多仰哺者衆樵蘇不給飭粥是虞輒輸肝膽之誠  
竊冀乾坤之造得循近例出補小邦敢謂聖慈俯從私  
欲專城攸寄已叨分竹之榮及瓜告期尚有繫匏之歎  
薦蒙易地仍委倍景矜臣疲瘵之餘恕臣筋力之弱許  
臣拜命里宅免臣謁辭上臺雖復慈親鞠養之恩不能  
如此周至穹昊陶鈞之力不能若是曲成在臣何功邁

此多幸支難受粟愧厚賜于千鍾疲馬戀軒荷深仁于  
短豆危心易感隕涕無從臣無任云云

亳州奏太清宫再生槐狀

伏以猶龍故里隱士與區仙真之所顧懷協氣於焉回  
復率多靈物以表珍符庭檜再生既發祥于章聖古槐  
條肆復效祉于昌辰朽枿不計其歲年秀梯頓生于雨  
露神色還觀華萼聯輝昔唐叔嘉禾異畝同穎而為美  
元狩竒木衆枝內附而告休于以此方一何遼邈蓋天  
瑞者依類託寓以應應至誠雖塗人之寡見淺聞必輸鴻  
造臣等目覩盛事內極歡心無任惋悅激切之至盡到



圖子謹隨狀進呈伏乞宣付史策

為馮翰林入院謝對衣鞍轡馬狀

服章稱德故金朱盛其光榮賚予有功則車馬示之蕃庶臣叨職禁近已愧菲材拜賜宸庭何勝厚幸矧其玉閑駸足內帑褚衣環金在躬警纓照秉顧惟涼德徒積覲顏此蓋皇帝陛下豐用財於養賢加實幣於將厚雖在筭之慎而不吝於五章非康侯之才乃蒙休於三接仰愧分衣之寵俯迷執御之方何以上報生成無慙彼已

論封太祖子孫行尊者一人奉太祖祀狀

伏惟陛下尊祖敬宗遠及無窮孝思所至隆於罔極德音所下典禮攸闢不推本原滋失聖意近者有詔封太祖諸孫行尊者為主奉太祖祀臣竊惟帝王之系系於傳統定一尊而無二本非所後可得分承禮諸侯不得祖天子當自奉其國之祖太祖傳位於太宗則太宗以後繼體之君皆太祖子孫不當別為天子置後別為置後是以所後者為親而承統之天子若疏視之不為後矣故繼祖之祖為太宗繼別之祖各為宗不可紊也亦不敢僭懼失太祖之統而累太宗之孝也如德芳德昭者所謂別子為祖其後則繼別之宗也百世不替共尊



太宗則朝廷家庭恩義兩得先王之禮所以敬宗而尊祖也。今若崇德芳德昭之後世，勿降爵宗廟祭祀使之在位，則所以褒揚藝祖者至矣。不必別為置後，始見追崇有違禮制，伏候裁察。

彭城集卷二十五

甲辰閏三月叔堃覆校

宋劉邠撰

表一

謝神宗御集表

堃景水西字集為有  
謝昭雪表了首

臣某言伏惟宸章下委，壽室為榮，祇荷寵靈，不任榮抃。臣其中謝伏以神宗皇帝聖繇天縱，道隆日新，受命穆清，饗國之應，縣永儲思，參兩稽古之事，著明亦猶唐堯之煥手文章，夏禹之躬於律度，睿藻奮發，聖謨靖深，禹河漢之昭回，暴陽秋之和粹，皇帝陛下孝惟善繼，文極化成，明發徽猷，繼承祖武，不獨祕河圖於東序，嚴策



府於春山乃春具賚錫之副本承宣室之顧問嘗耳  
訓言畏軒臺之威令恪遵遺法感慕往遇炫耀新開企  
聳怔忡罔知所措臣無任云云

兗州謝皇弟授太州節度使表

臣某言伏奉詔書以皇弟顥進封雍王特授司空仍舊  
充鎮海寧軍節度使告諭軍民存問父老者臣即時奉  
行宣布訖天慈深厚民望悅隨臣某中謝伏惟皇帝陛  
下仁撫萬邦愛先九族並建明德用啟金路之封加守  
懿親申錫衣章之賜眷齊魯之輿壤餘聖賢之舊風俗  
本詩書地崇藩屏以元帥中權之任垂上公賜履之榮

自我熙朝備茲典策臣猥以最賤叨持左符寅奉德音  
側深鳧藻臣無任云云

為馮叅政父事待罪表

臣某言臣聞精稷文感盛王之所以面稽陰陽失和代  
工者乃宜蒙責惕思天職博究輿情其敢飾辭以祈  
免咎臣某等中謝伏念臣等器識淺近智術迂踈濫叨  
調鼎之司獲預貳公之寄上之不能將順德美踴萬  
一於清光下之未嘗進顯材良資參贊於善化曠日逾  
功位既彰足以感動顯蒼幸房協氣是以亢陽為沴  
閔雨歷時宿麥秋稗而莫收首種萌芽而復瘁陛下憂



勤民瘼寅畏天明避正寢而不居貶常珥而弗御簡賦  
議獄緩刑詢芻蕘之片言走圭璧於羣祀何聖心克  
已之至此而善應旋至之漠然豈有其他凡在臣等乞  
從故事以正刑書策告咎殃退還士位益從夢卜之舉  
庶格股肱之良于以上當帝衷下慰民望臣無任云云

又

臣某等言近以旱暵為災災和無狀需章自請罪斥是  
甘聖恩含容尚加宿留覲顏賦彌用戰兢臣某等中  
謝臣等聞應天之理必先實而後文行法之要常始  
近而略遠以臣等廁迹公輔預聞帷謀不能廣宣上恩

導迎善氣惟天人之際悖理者既多故風雨之節咎證  
其有在致陛下躬雲漢之憂閔甚桑林之禱祈重祿所  
私何心自處然則推應天之實責臣等之尸曠寔亦至  
矣論行法之近願臣等之忝竊近何加焉伏冀淵衷垂  
奮英斷敕從罷黜以戒自乘闕賈路於方將協天威於  
陟降輿情既洽吉祥遽臻臣等雖復退迹於民編固亦  
蒙恩於鴻造臣無任云云

謝中書舍人表

臣某言處非所據榮以為憂命屬已行辭不獲免祇膺  
寵內集覲顏臣某中謝臣聞憲度著明帝虞則二典之



之制辨令溫雅矣漢有三代之風是皆鼓舞羣黎丹青  
醇化覃渙汗而莫返騰英聲以舞窮洎于本朝尤當茲  
事彛訓皇極筆舌天常爛乎河漢之章擴若風霆之運  
是以贊書之任稱日材難代天之工率由德與豈容膚  
淺得預東求伏念臣文謝天成學非師授窺陳篇而竊取  
迨暮齒而益衰可以小知詎為達士閤於大較是謂鄙  
儒方踐跡於鳳池必貽譏於鵜翼而况上恩深茂睿旨  
稠重置衡石之程書異臺郎之近例所以待老成碩學  
之士欲全其難進特達之風愚敢望回事同始隗此蓋  
伏遇皇帝陛下神謨妙算聖度惟幾九德敷施既能哲

於多士一善兼取無求備於匹夫致是蠢愚猥承甄擢  
敢不洒濯猶志磨厲下材出身加民必慎樞機之正極  
天蟠地用期輓軌之行臣無任云云

謝太皇表

太后

臣某言右垣司憲內史贊書世謂殊榮士推慎柬內惟  
虛薄默懷戰兢臣其中謝臣聞仲尼養徒別言語文學  
之第鄭國為命舉討論潤色之工蓋人材各有所長而  
邦事急於先務言而文則行之遠仁所厚則覆已周何  
况帝統當天海高多士風動而黎庶從欲馭臣而八枋  
贊襄未嘗乏賢豈資代匱臣早以無庸之質得陪中祕

演論每皆觀後賦政而  
四方爰發

之所使



之聯文不能出衆而效奇志不過循常而執一遂從吏  
役浸易歲華迷簿領期會之繁廢經術翰墨之事敢期  
選掄所及○庶弗遺台使遄歸不待三年之計免其課  
試無拘一日之長○然最軀俊際華貫駕蹇何補衰憊  
愈羞此蓋伏遇太皇太后陛下聖體幾深治先本要用  
心○鑑效以形者莫不遁逃與物為春因其生而曲加  
覆露不忘承學得預代言謹當行其所聞強所不迫韋  
絃並用慎何至於十思寢寤周防幸無違於四禁臣無  
任云云

賀克復交趾表

臣某言伏聞安南將帥克復交趾李乾德請降以廣源  
州置順州者廟勝萬全方隅底定闢千里申威四夷臣  
某中賀伏惟皇帝陛下仁育群生化周無外以乾坤  
之覆燾在跋踈莫不涵容而陰陽之慘舒施雪霜致其  
肅殺是以豫順之舉爰整惟時乃眷海蠻敢侵微候譬  
蠹蟲之蠹在所驅除而不鱗之微何煩經畫先聲臨境  
醜類望風破膽殞心折敵係頸尚游魂於頃刻復微  
幸於萬分露布轅門歸死軍正帝虞之苗民逆命  
志實昏迷周宣之蠻方不回蓋同常武土田全歸於  
王府縣邑樂輸於地征無鬼方三年之淹包越裳九



譯之廣論我功德邁于古初臣限守郡符阻陪朝列  
聆吉語深極歡心臣無任云云

京東運使謝上表

臣稟生疏薄為器深卑志在詩書本求名於稽古耳  
律令亦有意於治民竊自深思嘗勉力不知足而為優  
是匪難能懲於美而吹籥乃並適變顧惟內恕濟以敢  
為務合人情儻究吏術何者叨付連城之守迨及三年  
之淹資是愚忠謹行壹意得免下中之課以逃負乘  
之羞豈微幸之可常或不虞之致譽今乃驟叨持節  
仰寄典州爰暨海隅必宣使指覈名實之臧否則吏

負至警商功利之重輕而民賦逾廣揆茲孱弱何足堪  
任猶用所聞以希來效伏惟皇帝陛下幾深成務俊又  
在官股肱備於惟良輪栢周於末用無聽踈遠無棄安  
庸臣冰淵竄懷犬馬圖報勤將補拙必無餘終食之閒  
力不辦心但冀免素餐之愧臣無任云云

為馮內翰讓官表

臣某言伏奉勅命授臣尚書禮部郎中充群牧使者撥  
煩治劇念非已長陟明黜幽迺維邦典尚蒙增秩仰愧  
鴻私臣某中謝臣聞賞不當功則重爵祿無以勸下名  
不責實則雖愚暗可以保身是以聖考覈至精翕受有



度其所頒爵未嘗假人伏念臣智術寔煩枕靈持昧  
懷愚中而自喜挾新技以無它驟玷官聯遂司京邑  
惟葦數之重有獄市之繁以今所聞謂為浩穰難治雖  
昔良吏或以毀傷失名內愧妄庸益虞尸曠需章亟請  
睿眷曲從卹其累日之勞申以自天之命俾更廐尹驟  
正臺郎徒重高門已極息肩之幸上應列宿敢蒙假器  
之羞是用揣己若驚白心自列伏望皇帝陛下察其  
知量憫以無華特還繆恩俾全小諒使彼已不稱之  
刺毋叢於叢軀則有耻知格之風益明於聖世臣無  
任云云

為唐參政讓加恩表

臣某言陽郊受職獲與祭以為榮緣檢推恩顧空官而  
自愧仰慙虛授敢憚責言臣其中謝伏以聖王謹用人  
之方嚴馭責之柄爵不嫌於濶簡賜不誤於無勞未有  
駢繁寵光赫奕休命驟以一旦併集非才今臣備位宰  
司無補國論徒以從泰壇之志祀霑大賚之餘休慶出  
不訾動知非據責有功之名豈增陪教於土田階叙已  
崇勳策茂雖三錫之命殆不過茲而四海所覩將致  
竊議伏望皇帝陛下矜匹夫之小諒開愚臣之自知  
收渙汗於繆恩息怔忡於悸魄使負乘之刺少弭於多



言則乾坤之私更深於鴻造臣無任云云

謝郊祀加恩表

臣某言危誠自竭冀烟幅之間天聖造曲成示艱難於  
反汗進被休寵俯慙厚顏臣某中謝臣聞靈承帝事哲  
后所以保鴻名錫予善人有國所以均大賚蓋德所覆  
者大則其仁廣禮所用者重則其度深伏惟就陽上儀  
本朝盛節凝顯穹之駭命揚列聖之丕圖直其霽澤九  
垓進律在位而臣猥以斗筭之器當輔弼之職非籲俊  
之素材無奉璋之美譽迨茲褒賞顧所積重承命若驚  
措躬無所此蓋伏遇皇帝陛下道隆履載禮備股肱願

體貌之所存推慶賜而加重用是朽鈍亦叨顯庸敢不  
夙夜永圖彌綸衮職庶盡致君之願以無假器之憂

為韓侍郎讓加恩表

臣某言宗丘歲事均景既於黎元多士盈廷濫徽章於  
藟品仰慙非據輒控危誠臣某言伏念臣志謝肅雍器  
殊庸敏巢穴寡見非機衡之可居樸檄短材豈新樸之  
宜及徒以厠幄畫之餘論陪郊時之上儀進慙籲俊之  
求退乏秉文之美豈意叨蒙渥澤超越等夷疏功號而  
策勳增階叙而進律事盈三錫罷集一時不俟人言  
知其虛授雖徹天幸敢或自安伏望皇帝陛下矜憫



幅之愚衷察滿盈之至戒許還休命特寢豐恩下以  
遂微臣揣已知分之誠上以隆聖朝酌言聽卑之要外  
息曹謗內寧陋軀戰兢之餘踟躕以冀臣無任云云

謝封彭城縣開國男食邑表

臣某言威顏咫尺惠澤自天弱植負乘措躬無地臣某  
中謝伏以合宮必祀上帝眷懷迺惟逆釐於三神是用  
大賚於四海宜得膚敏奉璋之髦士肅雍在廟之藎臣  
顯相有嚴同福惟允臣智術謏薄宦闕踈身館符章  
心馳象魏曷嘗仰瞻度筵之邃宇親覩燔燎之升煙遽  
沐農恩猥加寵錫命以開國殆其曠職此蓋皇帝陛下

德施無頗誠心無覆如春陽之播物句萌弗遺譬大明  
之麗空容光必及以茲多幸無棄瑣材敢不勵心冰淵  
謹身檢柙或干慮而有得亦十思而後行庶竊微勞仰

酬鴻造臣無任云云

封男謝太皇后表

臣某言禮成宗祀慶及溥博厚澤所霑孤生蒙與臣某  
中謝伏以爵列非一皆辨諸侯臣職雖微亦在五等本  
朝崇馭貴之典制開國之榮雖曰虛爵曷嘗輕授臣學  
術無素功緒罕聞以積日之微勞廁真行之近列詳其  
位著稍異等倫迨茲釐事之成非有課將之助惟昇



胞翟之賤不忍見遺收薪樵之微率循舊典爰假寵章  
天何錫命之榮濫及妄庸之品此蓋伏遇太皇太后陛  
下幹維鴻造綜輯化原九德事而俊又在官五氏修而  
天地並位况其所賚予無間邇乃春愚曲從甄錄坊  
聞義易所戒勿用小人商書有言罔及惡德臣頗自省  
敢不盡心益修衰朽之資無負生成之賜臣無任

賀平西南夷表

臣某言得進奏院報伏聞經制瀘州夷賊公事林廣  
奏已至羈縻歸徐州破蕩蠻賊班師奏凱告諸上功威  
震鬼方慶通寰宇臣其中賀臣聞獫狁匪茹周宣出征

昆明不通漢武既討先王之於四海雖亭育焉弗殊中  
國之於百蠻亦驅除之而已是以荒服崎嶇之域容致  
龔行豫順之師暫費永寧一月三捷伏惟皇帝陛下道  
周無外仁濟有生德業著於日新神武臻於妙算自豉  
行喙息之類皆得陽和而雕題被髮之吐率知面內何  
乃楚僮其蠡瀘水不毛鷓鴣未知於草音蜂蠆潛懷於  
肆蠹寔王愾之所不赦宜天討之所必加命將修戎槎  
山除道成筭出於帷幄選士奮於社稷亢處巢居不悟  
震霆之至草薶禽獮如經燎火之餘於小醜足以深懲  
在憬夷莫不畏服邊徼斥廣成候晏安廷議僉同固無



固無屈朔方之策琛獻陳至方騰騰上槃木之詩臣官亦  
魚符身遙象闕預聞喜慶喜不自勝臣無任云

謝授官表

臣某言豐恩驟委遜請弗從祇服寵休特深戰栗臣某  
中謝伏以聖王與人不求備故裕於任能有功而見知  
故樂於行賞是以鉛刀一割之用駕馬十駕之勤以為  
成功悉均懋典如臣者知之觀物之節材無出類之奇  
臨衆治兵不暇手繩墨之外奉令承教亦幸其塵露之  
增老由洪恩僅免官謗乃復宥其不逮籍以為功增秩  
中臺參聯近禁是寔逾涯之寵和多彼已之羞此蓋皇

帝陛下化盛陶鈞仁兼天造循名責實以周務記功忘  
過於用人底是孱姿過叨霈澤謹當服勤無怠浚明自  
修羔羊素絲之風所期也正直深淵薄冰之戒增重於  
戰兢誓以愚忠仰酬至德臣無任云

賀公主生日表

臣某言星婺儲精椒風介祉誕彌伊始溥率同歡臣某  
中賀臣聞周宣中興詩詠維蛇之夢帝山盛德易贊歸  
妹之休蓋王化大成仍備肅雍之美景命孚佑必多藩  
衍之祥恭惟皇帝陛下仁育群生道濟無外休淳素以  
正德躬文思而保民華夏蚤猶之區罔有後服風雨寒



暑之節未嘗不時日監在茲天休斯至均序貫魚之  
寵驟聞就館之期然則千齡之符屬當於盛際百斯  
之美甫驟於將然臣假守外藩阻陪廷列預聞休慶喜  
不自勝臣無任云云

賀破滅儂智高表

臣某言得進奏院報蠻賊儂智高已行破滅者蠻區荒  
忽容有不庭王師飛騰古稱無戰天威振而電掃凶巢  
剽而霧除中賀臣聞帝虞至明苗民後服高宗盛德鬼  
方弗賓或三年而有成功或七旬以之來恪蓋特降與  
遠敢<sup>干</sup>雷霆之誅而取亂悔止何損乾坤之化伏惟尊

掃皇帝陛下常德立武至神燭幽聲教暨乎朔南德澤  
被於<sup>夷</sup>夏唯是反復烏合之寇其敢盜弄潢池之兵下  
策墮鳶微暉吹盡得以低強漏刻創病黔黎陛下進厥  
虎臣授之廟筭豫順而無遺策節制以嚴靈威醜惡殲  
夷遐取砥厲反戶之俗既安於震驚重譯之眈無隔於  
琛賚臣濫分符竹祇畏簡書懷請纓之心不得顏行而  
自效聞獲嘉之慶無任鳧藻於私懷臣無任云云

賀擒儂智高母表

臣某言闕假息頃延漏刻之期天威照臨旋殄鯨鯢之  
類臣某中賀伏以智高介鱗同類蛙龜與居主一女子



之狂謀興教十百之羸衆晏然自得如側戴之復生火  
焉稽誅芳方虎之游出而後鳩張歛迹鼠竄祈生陛下  
威信決手乾坤刑賞揭乎日月士或請纓以思奮入皆  
身身而爭先果聞覆妖鳥之巢窮狡斃之穴係頸來獻  
漏卮蓋微方將淑問辟雍之庭響鼓臺街之邸大明中  
典以示憬夷臣濫守郡符幸聞戎捷欣愉之至啟處不  
勝臣無任云云

為宰相賀擒鬼章表

臣某等言伏見蘭會安撫司奏今日某日某人領兵至  
洮州擊敗鬼章軍活捉到鬼章者天威昭赫師律訓齊

采人妖巢生致渠首臣某等中賀伏以鬼章裔夷小醜  
獷獸為心蒙被國恩不知補報報覆侵犯邊圉數有震驚遂  
敢交通種羗結為黨與解仇合意伺隙成謀賊傷屬國  
之人竊據乘障之地先朝所不恐貫聖等常當此留心至  
于罪稔禍盈天并神怒偏師終出元惡就擒昔商宗鬼  
方至于三歲漢元却支遠在萬里而皆斬馘血刃之功  
率非係頸獻囚之事矧其淹積歲月勞勩師徒豈如廟  
畧無遺虎臣思奮曾未信宿已報翦夷吉亟語聞戎捷  
交上雪邊人夙昔之憤奪諸羗前却之心追視古先莫  
可倫比伏惟皇帝陛下神武天縱睿謀日新任衆材而



責成因常德以立事運陶鈞而獨化其易轉圜單上仁  
於大同既思率服仰鑒睿斷迨此成功臣等叨預弼諧  
無裨鴻造奉承嘉慶徒切歡愉臣等無任云云

知蔡州謝上表

臣某言伏奉誥命授臣直龍圖閣知蔡州軍州已於今  
月已日到任上訖疲瘵之質力不追於戡蟬濛涌之恩  
榮復叨于分虎未知補報徒積慚羞臣某中謝伏念臣  
賦性迂踈稟生奇薄偶不遺於昌世幸得真於周行驅  
馳歲深慮日耗旣身藩郡二職祕書本以文章漸  
見收於鈞治至於遲暮意獲寵於蓬山質之常情寔

為厚願而臣結轡邁病羸羸支闕庭之儀每不勝於  
蹇步圖書之府敢不安于素飧歸誠所天冀息餘喘果  
蒙從欲仍獲長民擢陪東序之華付委連城之寄失  
馬致福有如塞婁之言受粟獨多何減離踈之疾此  
蓋伏遇皇帝陛下欽明天縱聖敬日躋留睿意於其  
難必代工之無曠中外一體法廣並修以茲孱愚不  
獨捐棄謹當精勤農務隱蹟詔條推已病有瘳之心  
用察民瘼廣天眷在安之訓庶格人和臣無任云云



謝昭雪表

投畀讒人。已悟告言之妄。蠲除詔令。更申論坐之寃。沒而有知。死且不朽。竊以前世論事。不敢告之章。法蒙原情。著反坐之律。未聞私書。謬悠之謗。可致公朝。夷滅之刑。繫彼無良。違爲不令。因黨友之尺牘。形閭巷之有辭。引鷹揚尙父之言。誦高貴鄉公之語。靡慚嗤鄙。惟幸詆誣。既內慊於不根。又陰虞于後患。禱其付火。固絕意於上聞。託以屏人。復何施于參<sub>參</sub>驗。不攻自破。欲蓋而彰。巧誰謂其如簧。市共知於無虎。雖毀者挾怨。必以惡聲。而小人乘危。遂爲奇貨。密騰舊札。歷遺仇。險不啻於山川。食無餘于犬彘。逮從吏訊。幾誤國章。意所株連。人



以股栗。浩有漂山之勢。及如累卵之危。賴先帝照矚  
之明。察權臣吞噬之患。時紆清問。少緩嚴科。然而先臣  
諸孤。終以屏廢。闔門百口。益復幽囚。禦瘴癘者十喪。隸  
臣妾者三歲。無罪且至於如此。大戮亦何以復加。會上  
聖之龍飛。破羣疑而冰釋。遣累所逮。訖告必申。悼前日  
之禍機。嗟何可及。挂有司之罪籍。名或未除。用再瀝於  
肺肝。敢上塵於旒宸。理無難者。空靡悼于改爲。事已灼  
然。遂悉從於釐正。此蓋皇帝陛下。乾行以健。離麗而明。  
體大舜聖讒之方。廣有唐辨諂之路。孤忠素節。事已白  
于九原。弱子幼孫。誓各堅於一死。微生何算。洪造難酬。

